

周  
禮  
輯  
義

周禮卷之九

姜兆錫輯義

秋官司寇第五

秋官稱司寇者寇之言害也主禁暴詰奸以除民害故謂之司寇也官名士亦名理虞書命皋

陶作士月令季秋命理贈刑察僇註云有虞氏曰士夏曰理周曰司寇也餘見天官○明齋王氏曰秋官司寇於唐虞曰士然舜命皋陶曰蠻夷猾夏寇賊奸宄汝作士則士之職兵刑兼掌而周禮則以兵分掌於司馬者蓋後世政刑既紛不得不分也

秋官司寇總序

此次言王者設官分職以立秋官司寇之意乃第五官之總序也

惟王建國辨方正位體國經野設官分職以爲民極乃立秋官司

寇使帥其屬而掌邦禁以佐王刑邦國

邦禁卽六典之刑典所以禁暴也刑刑之也書周官

司寇掌邦禁詰奸慝刑暴亂○則禮書華曰小宰言秋官掌邦刑此言秋官掌邦禁何也先王立法止於禁遏而已所以先言掌邦

禁而後言刑邦國也司徒掌邦教而復設司寇掌邦刑者刑以弼教也縱欲敗類教之所壞故後世亦謂之司敗蒙之初九云利用

刑以正法也上九則云利用無寇上下順也用刑本以禁暴致寇乃禁雖以順用未矣是知禁於未然者聖人之心刑以濟其所不

及者不得已也王氏曰禁之所以爲仁刑之所以爲義禁之不止猶有犯焉以義斷仁也

### 秋官司寇序官

此以下承上文序秋官設官之數也

刑官之屬大司寇卿一人小司寇中大夫二人士師下大夫四人

鄉士上士八人中士十有六人旅下士三十有二人府六人吏十

有二人胥十有二人徒百有二十人

更稱刑官者承秋官掌邦禁刑邦國而言也司寇分大小

者大司寇掌建邦之刑典統凡糾禁教約之屬故爲刑官之長小司寇則奉其法攷斷獄中以恤民生而已刑官之屬多名士者取士能察理獄訟之義士師掌五禁五戒八成之類以佐司寇率屬故名師也諸士獨鄉士別官同署者鄉謂六鄉其職掌國中而各掌其鄉之獄訟故名鄉士獨鄉師與司徒同署而遂師則異署之意也條見大司馬序官

遂士中士十有二人府六人吏十有二人胥十有二人徒百有二

十人

遂謂六遂其職掌四郊而各掌其遂之獄訟故名遂士也

縣士中士三十有二人府八人史十有六人胥十有六人徒百有

六十人

縣謂凡公邑之縣鄙其職掌野而各掌其縣之獄訟故名縣士也

方士中士十有六人府八人史十有六人胥十有六人徒百有六

十人

方謂四方之都家也其職掌都家之獄訟而各掌其方之禁令故名方士以上二職役較多者地廣事繁也

訝士中士八人府四人史八人胥八人徒八十人

訝逐同逐也掌逐治邦國之獄

訟與其賓客故名訝士也

朝士中士六人府三人史六人胥六人徒六十人

朝音潮○掌建外朝之法與治

獄於外朝之類故名朝士也

司民中士六人府三人史六人胥三人徒三十人

掌登萬民之數故名司民也疏

日凡斷獄弊訟必知民年老弱是以司民雖非刑獄大於此○王

先生日司民所書生齒與大小司徒所開人民夫家之數鄉師以

時稽其夫家鄉大夫以歲時登其夫家衆寡之數一也而獨屬於  
秋官者秋官主刑聖人用刑本於好生耳國衮舒氏曰吳氏以同  
民屬司空芬謂鄉士遂士縣士皆有掌民數之文則司民之屬司  
寇豈無謂哉按其文三年大比以萬民之數詔司寇司寇及孟冬  
祀司民之日獻民數於王王拜受之登於天府內史司會冢宰貳  
之彼司寇念民之重如此其於決獄也寧不戚焉動其心哉後世  
不知重民而司刑者又多凶人暴吏傷天心動國命亦獨何與則  
司民爲刑官之嚴固周公之深意非世儒所及也愚按羣士之下  
司刑所以斷其成也先以司民繼以司刺者見惟重民者可言刑  
而猶求有赦於刺中也又繼之司約司盟者欲寬於後先杜於於  
也此五司於  
羣士之意也

司刑中士二人府一人史二人胥二人徒二十人

掌五刑之法以  
麗萬民之罪故

名司  
刑也

司刺下士二人府一人史二人徒四人

刺殺也掌五刺三宥三赦  
之法罪定乃殺之否則宥

且赦之矣故

名司刺也

司約下士二人府一人史二人徒四人

掌邦國萬民之約劑故名司約約之言信也信義定

而訟獄可簡也

司盟下士二人府一人史二人徒四人

掌邦國萬民之盟誓故名司盟盟者以約辭告之神

也信以要之神以誘之二者相表裏而信義益固矣

職金上士二人下士四人府二人史四人胥八人徒八十人

掌凡金玉

之屬之戒令而受士之金罰貨賂故名也此以下二職相次者職金與司厲或罰贖或奴役皆不忍加之刑戮之意也

司厲下士二人史一人徒十有二人

凡犯敗爲惡曰厲而盜賊其尤也掌其任器財賄與爲奴

隸之事故名也

犬人下士二人府一人史二人賈四人徒十有六人

賈音古○掌犬牲故名也

秋官犬人猶地官牛人春官雞人夏官羊人之屬或曰列司厲及司圜掌囚之開者亦取其守禁囚暴之意也

司園中士六人下士十有二人府三人史六人胥十有六人徒百

有六十人

園音員○園卽大司寇園土之園今獄城也掌之故名

嚴禁禦故徒役多也此以下三官相次者司園亦不恐加刑戮而奴役之也由掌囚而掌戮則刑戮隨之而掌戮職凡分五等自重至輕至髡而殆於宥之矣蓋先王仁民之隱如此

掌囚下士十有二人府六人史十有二人徒百有二十人

囚拘也掌囚罪

人以待決故名也役獨不用胥者園土中或以胥教道若罪囚但嚴响守而已

掌戮下士二人史一人徒卅有二人

戮猶殺也掌之故名役又不

掌囚有典守也

司隸中士二人下士十有二人府五人史十人胥二十人徒二百

隸之言附也屬也自罪隸至縣隸屬籍於官供奴役及轉執守人南之事而司隸掌之故名也漢置司隸亦使將徒治道路溝渠之屬後稍尊其職使主官府及近郡蓋制相沿而變與次於此者奴隸乃減罪以全法而其勢執守簡又防奸以輔法皆與刑相表

裏也

罪隸百有二十人

罪隸謂罪人未減為奴及男子從坐而入者故

無爵而人衆其下亦無府史胥徒若地官胥師雖無爵而其下有史糾官職之意也○梁氏曰諸隸之人數以設法人衆而言耳或得數太多不必他屬或不及數亦不必他補此六官府史胥徒亦累及此或補設或借用或兼職未必拘也愚按五隸之數梁說得之而鄭註謂五隸數皆百二十人乃限其外之隸民不在數內是五隸定數之外又有民也今攷司隸職首稱掌五隸之法而其下乃補帥其民與帥四翟之隸以明之是民即罪隸與四隸而為五也對四翟之隸故謂罪隸為其民隸隸外餘民之謂也學者以諸隸職歷參之可見

續隸百有二十人

註謂征南夷所獲也說見下

閩隸百有二十人

閩音民○註謂征東南夷所獲也說見下

夷隸百有二十人

註謂征東夷所獲也說見下



貉隸百有二十人

日職方氏所掌有四夷八蠻七閩九貉五戎六

狄之人民皆臣服於中國而此止於蠻夷閩貉者蓋周人豎居西  
土其化先及西北故以服東南為貴也舒氏曰自司隸至此吳氏  
移屬司馬謂其守禦畜牧且役夏官服不氏諸職也亦謂諸隸之  
役百官府皆司隸掌其政令亦若掌戮墨使守門朝使守關之類  
其皆為司寇之屬無疑况所謂搏盜賊守野舍凡囚執人之事固  
司寇詰懲之意耶愚按註以四隸為征伐所獲蓋以其隸於州官  
而又與罪隸同列與然罪隸不守王宮野舍舊蓋以為盜賊免死  
之人不可以守禁密也茲四隸以守王宮野舍疑是輸誠納款之  
民如所東征西怨南征北怨而從之者而豈必裔  
彘之虜所獲之餘之謂哉學者以意通之可也

布憲中士二人下士四人府二人史四人胥四人徒四十人

憲猶表也

掌憲邦之刑禁而執施節以布於四方故名也六官獨刑官有布  
憲者刑尤民之司命也若諸官蓋以文書傳布之與○平仲王氏  
日刑非先王之得已也教之不率乃從而刑之又詳復丁寧令知  
法之不易如水火之不可蹈也如是而猶悍然犯焉執法者可知  
憾矣又據遺陳未曉特設布憲一官以輔司寇布刑之法也謂民  
寧思其謹哉舒氏以五官和布之外俱不復設縣布之官蓋以為

得已而刑之者義以成乎仁也此布憲與禁殺戮禁暴用天之意也又次野廬以下至修閭者諸職慎國野之守謹昏旦之司察有亡生死之變審陰陽水火之宜無非除惡去惡與民更始斯秋官之義也

禁殺戮下士二人史一人徒十有二人

掌禁民相殺戮之屬而誅之故名也

禁暴氏下士六人史三人胥六人徒六十人

掌禁民相陵暴之類而誅之故名也殺多

於禁殺戮者凡爲暴者不一端也

野廬氏下士六人胥十有二人徒百有二十人

廬者賓客行道所舍道人十里有廬

三十里有宿是也掌其守護及凡道路之事故名也

蜡氏下士四人徒四十人

蜡音娶○蜡者骨月與腐更所蜡也掌除飢及凡不蠲之事故名也

雍氏下士二人徒八人

雍壅同塞也掌隄防塞杜之事故名也

萍氏下士二人徒八人萍水草不沉而浮其職掌凡水禁及酒禁之事用戒飭逃沉溺之害如萍之不沉溺

然故名也神農書又言萍能勝酒蓋其性亦然矣

司寤氏下士二人徒八人寤覺也掌夜禁之早晚使人覺知昏旦故名也○王氏曰寐覺謂之寤使掌夜

時非覺而不寐者安能定之哉所以謂之司寤氏也

司烜氏下士六人徒十有六人烜讀如燦掌取明火及明水之屬而火為主故名也王氏曰燿與烜

皆火司燿掌變四時之國火為陽火司烜則取明火於日為冷火此夏官秋官之分也

條狼氏下士六人胥六人徒六十人條杜讀為滌狼猶言狼藉也掌辟出入糾紛若洗滌其狼

籍然故名也

修閭氏下士二人史一人徒十有二人修治也閭巷門也掌比國中伯互櫟之屬及有故令

守其閭互故名也職與野虞氏畧司但野與國異耳

冥氏下士二人徒八人

冥音覓○冥之言陰也闇也其職掌攻猛獸懼其猛而難攻必乘其不見而陰取之

故名也○王氏曰先王仁民而愛物然縱猛獸以害人則傷吾仁故特設官攻之而謂之冥氏也雜說曰自冥氏至庭氏十二官皆順天心以除民害雖若傷殘乃所以仁愛此天之肅殺之意也故皆屬秋官王先生曰先王以善政生天下之民其興利也詳其除害也悉觀周禮一草木一鳥獸或興或除而秋官地官分矣凡興利則地官主之凡除害則秋官主之也愚按秋官之職至肅清及於庶物而義彌嚴矣此所以軍國寧老弱送而其極至於中外咸賓罔有慝志也冥氏以下十二職次於修閭之後銜枚伊耆二職又次之而大行人以下諸職乃於是終也有以哉

庶氏下士一人徒四人

庶章預反註讀作藥煮之煮○庶之言除掌除毒蟲故名也讀作藥煮之煮者疏謂

俗以藥煮去病去毒蟲亦然故俗從之也爾氏凡庶蟲放此

穴氏下士一人徒四人

穴謂穴窟也掌攻猛獸於蟄穴故名也

翟氏下士二人徒八人

翟趙同○翟鳥翻也掌政鷩鳥而取其翻故名也

柞氏下士八人徒二十人柞音昨○攻木曰柞掌其政令故名也

雍氏下士二人徒二十人雍書或作夷註讀如第○殺草曰雍掌其政令故名也

蒼族氏下士一人徒二人蒼司農讀為摘猶覆也族讀如爵族之族謂巢也掌覆天鳥之巢故名也

翦氏下士一人徒二人翦除也掌除蠹物及庶蟲之事故名也

赤友氏下士一人徒二人赤友猶抹拔亦除也掌除墻屋之埋虫故名也

蜎氏下士一人徒二人蜎音國○蜎蛙屬掌去龜鼃之喧聲故名也

壺涿氏下士一人徒二人壺謂瓦鼓即木臚炮土之鼓涿謂擊之也掌涿鼓以除水虫故名也

庭氏下士一人徒二人庭之言席也清也掌射妖鳥令國中清潔如庭然故名也

銜枚氏下士二人徒八人枚狀如箸橫銜之以續結於頤以止譁也掌司箠以令銜枚故名也

伊耆氏下士二人徒二人伊耆氏古帝之號時始為蜡以息老物故號焉明堂位所謂土鼓黃桴葦籥伊

者以之樂是也後王尊敬老者設官以掌齒  
故亦因以爲名以上二官之次見冥氏

大行人中大夫二人小行人下大夫四人司儀上士八人中士十  
有六人行夫下士三十有二人府四人史八人胥八人徒八十人

掌凡賓客朝會聘問之屬之禮而又適四方而爲行人故名也大  
行人其長小行人其副而司儀掌其擯相行夫掌其使役故四官  
別職同署與以下官次並見冥氏○朱子語類曰制禮最是大行  
人等官屬之司冠難曉蓋儀禮親禮諸侯行禮既畢則降而肉袒  
請刑於廟門之東王曰伯父無事歸寧乃邦然後再拜稽首出自  
屏此所謂懷諸侯則天下畏之是也所以屬之司冠如此等處皆  
是合著如此初非聖人私意也明齋王氏曰書周官司冠掌邦禁  
詭奸惡除暴亂而制禮司冠一官大宰之刑典小宰之刑職並先  
之以詰邦國夫所謂奸惡暴亂就有大於邦國不道者哉法行自  
上不此之務而惟小民是詰猶舍豺狼而逐狐狸也行人之職在  
虞廷爲四獄所謂賓於四門也而周公屬於秋官主於齊之以  
禮禮不克齊而以刑齊之而後有司馬之法也設官之旨深哉  
環人中士四人史四人胥四人徒四十人

名官已見夏官而夏官  
環人掌環四方之故秋

官掌環賓客之任  
器故皆以名也

象胥每翟上士一人中士二人下士八人徒二十人翟狄同○象

中國語於蕃國則象蕃國傳之傳其語於中國還象中國傳之此  
官有才智主譯傳故名象胥也按註東方曰寄南方曰象西方曰  
狄翟北方曰譯寄言託觀言知譯言易也今總名爲象者周德左  
被南方故約舉以統之翟卽狄也周蕃國四夷八蠻七閩九貉五  
戎六狄之數多矣官役之  
數稱每狄者亦約詞也

掌客上士二人下士四人府一人史二人胥二人徒二十人掌賓

禮餼獻飲食之等數  
與其政治故名也

掌訝中士二人府二人史四人胥四人徒四十人訝逐同掌邦國

賓客故名也王氏曰秋官有訝士又有掌訝  
者訝士以治獄兼訝賓掌訝惟訝賓爲主也

掌三司中士八人府二人史四人徒三十有二人交之言通掌三司邦

國之諸侯與其萬

民而通達之故名也

掌祭四方中士八人史四人徒十有六人其職今闕蓋邦國來朝掌祭之以防其灾故名

官也稱四方未詳或曰每方官役之數如此或曰四方共此數也

掌貨賄下士十有六人史四人徒三十有六人其職今闕蓋邦國所貢獻之貨賄掌

檢收之故名官也

朝大夫每國上士二人下士四人府一人史二人庶子八人徒二

十人朝音潮○朝者對都家而言也掌都家之治日朝以聽國事故而告其君長故名其官士爵而稱大夫者尊王臣也國者

都家之通稱對文則分邦國都家散文則通也府史之下不設胥而設庶子者蓋辟都家庶子之有才知者主胥之任而不名以胥

以優之與次朝大夫以下於行人諸官之後者猶夏官因邦國而及都家之義也

都則中士一人下士二人府一人史二人庶子四人徒八十人其職



今關蓋主都邑之法則者故名其官即大宰職八則治都鄙之則也次此者德禮先政政先刑故都家士之前特設掌法則之官以率諭之也但本官言都不言家而註乃槩言掌都家之八則未詳其義攷春官都家宗人夏官都家司馬及本官都家士皆都與家並稱而此獨以都統家例似難通豈大都小都大而遠故特置官以諭其長而家邑小而近故不特置官而間有所諭亦其兼統也與或又謂都則之下亦當有家則而闕文也

都士中士二人下士四人府二人史四人胥四人徒四十人家士

亦如之

二職今並闕蓋主治都家之獄訟以告方士者故名也家士亦如之者都與家官役一而已疏曰此家士亦如之

是序官中語指官同若夏官家司馬亦如之則是序職中語指職同也愚按此乃疏家不明夏官序職與序官錯簡而為之詞也其論似嚴義則舛矣詳見夏官都司馬

秋官司寇序職上

此以下又承上文序秋官分職之事也

大司寇之職掌建邦之三典以佐王刑邦國詰四方一曰刑新國

刑輕典二曰刑平國用中典三曰刑亂國用重典

此首序大司寇卿一人之職也

詰究也四方即邦國之四方分言刑與詰者互文也平定也新國之民未教故治以輕典平國之民已教故治以中典亂國之民壞教故治以重典此總言用刑之比例而其下蓋即中典而析言之也○東萊呂氏曰司寇掌邦禁以佐王刑邦國詰四方猶書周官司寇掌邦禁詰奸慝刑暴亂也好惡隱而難知故謂之詰暴亂顯而易見直刑之而已天下罪惡萬狀不出隱顯兩端也少韻林氏曰輕典柔克之義也中典正直之義也重典剛克之義也書云唯敬五刑以成三德其是之謂乎邵氏曰時輕重惟制耳而名典何也時輕重所以五刑糾萬民一曰野刑上功糾力二曰軍刑上命以制中也

糾守三曰鄉刑上德糾孝四曰官刑上能糾職五曰國刑上恩糾

暴上尚通暴註作恭誤文也○此分言糾萬民以五刑也糾察也

督也野刑施於六遂以勸功爲上而糾其力作軍刑施於六軍以用命爲上而糾其守律鄉刑施於六鄉以成德爲上而糾其盡孝官刑施於官府以資能爲上而糾其稱職國刑施於王國以謹惡爲上而糾其致恭凡以察於先而督於後也五者之序自野而鄉而國蓋自外以及內也軍旅本於鄉遂官府率乎朝野故二者

錯居其間與劉氏以五刑分屬五官如野刑屬事典以國土聚教

罷民凡害人者寘之國土而施職事焉以明刑恥之其能改者反

於中國不齒三年其不能改而出國土者殺同音員能獲同寘

民以國土也國土獄城之象能者謂不能自強於善也職事如後

世城旦鬼薪之類明刑謂明書其罪於版而加諸背既困之又恥

之也反還也中國猶言國中謂反於故里也司國職云上罪三年

而舍中罪二年而舍下罪一年而舍齒之言年也雖既反不逃以

年齒序於齊民也出逃出也不能改而又逃以倖脫者則以極刑

置之虞書所謂怙終賊刑也○李氏曰人之為惡必有漸也故解

邪侈之情動而無所畏則或伏尸市朝流血刀鋸雖海之僧孽騰

也是故先王之馭民必早為之所輕則坐諸嘉石稍重則歸於國

土皆未入於五刑也若因茲自新則復為齊民何刑殺之及哉此

使民遷善遠罪之法也鄧氏曰刑先國土何也先教也刑以弼教

先教而後可刑也國土獄乎非也民情於教不敏作勞如罷藉然

而醢之所生傲狠之所始風俗所以日偷也刑諸則已重不則敗

而傷化矣故築此焉以兩造禁民訟入束矢於朝然後聽之以

衆為之宅而教之也

兩刑禁民獄入鈞金三日乃致於朝然後聽之

○此通言以兩造

兩刑禁民訟獄也凡相告言皆謂之訟有罪名麗於五刑者謂之獄造至也東五十矢也刑者獄之要詞也鈞三十斤也金銀也聽者聽而斷之也朝邦氏謂公署之通名也入三日乃集致之者待其中悔也○註曰使訟者皆至且入束矢乃聽之使獄者各盡其書入鈞金又三日乃聽之重刑也疏曰分官訟與獄此相對之法若散文則通獄事重於凡訟事故註云重刑也刑云今案書者小宰職註云簿書之最目獄訟之要詞皆曰契契即券書若王叔氏不能舉其契是也王氏曰以兩造兩刑聽之而無所偏受則不直者自反而民訟自禁矣謂之聽者以聽其聲為主周書兩造俱具師聽五聲此也王氏曰金矢如執贄然矢取其直金取其實不直不實則沒之直而實者還之也愚按束矢鈞金非利之也其意歸於禁民訟獄而已聖王之世民志大畏訟且息矣而其或有健險而不已者則以此禁之或乃疑窮民銜冤此非可辦則履勝石而號擻路鼓而鳴先王固不以此終困民矣晉聖人仁至義盡而不念此

以嘉石平罷民凡萬民之有罪過而未麗於法而害於州里者桎梏而坐諸嘉石役諸司空重罪旬有三日坐其役其次九日

坐九月役其次七日坐七月役其次五日坐五月役其下罪三日

坐三月役使州里任之則宥而舍之

此又特言乎罷民以嘉石也嘉石即朝士職之左嘉石註

日嘉石文石也疏曰欲使民思其文理而悔改自修也一日嘉善也猶刑曰解刑闕土曰福地也不之言成成其善也麗如王制麗於事之麗猶附也桎梏足桎梏項也坐諸嘉石使之省役諸司空使之贖也任猶保也坐役皆罰則使保而宥釋之也○臨川王氏曰凡萬民之有罪過而未麗於法而害於州里者司救所謂衰惡而恥諸嘉石者也凡害人者司救所謂過失而歸於國土者也謂之過失而罪反重於衰惡為其已麗於法也謂之衰惡而罪反輕於過失為其未麗於法也又曰州里任之則宥而舍之明無任者終不舍乃使州里相安也先王之刑人也不虧體其罰人也不虧財且凡司空之役與徭平民而苦之孰若役罷民以新之之為得也南軒張氏曰孟子云以生道殺民雖死不怨殺者先王明刑法以示民本欲使之知所趨避是乃生之道也而民有不幸而陷於法則不得已而加辟以過之是害生道而已又况衰於忠厚之意薰然存乎其間其為生意未嘗有間哉若後世嚴刑峻法固不足道而其得情而意與夫有果於非以肺石達窮民凡遠近傳聞惡之意者則亦失矣餘見司救職

老幼之欲有復於上而其長弗達者立於肺石三日上聽其辭以

告於王而罪其長傳焚同長並上聲下職同○此更特言其達窮民以肺石也肺石即朝士職之有肺在註曰肺

石赤石也疏曰使之赤心不妄告也一日明王者推赤心以置人

腹也無兄弟曰悖無子孫曰獨十五以下曰幼七十以上曰老士

即謂朝士長通謂國君都師及鄉遂大夫之屬告必先聽驗其誠

也長必加罪憐其困也○臨川王氏曰以大僕觀之欲其速達甚

於遽令然立肺石三日乃聽之者又恐民之責其上則上贖耗而

不潔雖誠無告反不暇治也易氏曰三日後聽蓋為罪其長者設

而徐以待其自定與正月之吉始和布刑於邦國都鄙乃縣刑象

之法於象魏使萬民觀刑象挾口而斂之此又總言刑法之和布於始而因言其布刑於

萬民也不言乃施於邦國都鄙之屬者蓋司寇外又特設布憲一

職矣○王氏曰刑例也例者成也於正刑罰而和之者刑雖有常

亦量時有輕重也且民不可使觀刑也亦懸象使觀之者先王之

法若江河貴乎易避而難犯苟既為物而愚不識及陷於罪而刑

之不幾罔民乎觀凡邦之大盟約泄其盟書而登之於天府大史

象亦使知避而已司馬

內史司會及六官皆受其貳而藏之

大史之大音泰○此因言其

之盟結信書於簡謂之約大盟約謂王因會同而盟諸侯也天府大史內史皆春官宗伯之屬司會大官冢宰之屬登亦藏也言登重之也必大司寇蒞而登之者刑一成而不可變盟書如之且違焉則刑之所取故也藏貳書將以考法也○王先生命呂刑云民典胥漸民民焚焚爵中於信以覆盟盟是堯之時盟約已見於民矣左傳云昔周公太公夾輔王室成王勞之而賜之盟載在盟府太師職之是成周之時盟約又行於國矣穀梁子以爲盟約不及三王非也皆受而藏之者以大史掌邦之典法則內史掌國法國令之貳司會掌典法則之貳而六官辟藏故也又曰府以天名尊之至也登書重其事也賢書登於此見鄉大夫盟約登於此見大司寇獄訟若民數登於此見小司寇與司民而其登而藏之有不書貳者獄訟有一官書貳者賢能有數官書貳者民數有多官書貳者盟約其爲重則一而貳否凡諸侯之獄訟以邦典定之凡卿及多少則異但觀其事何如耳

大夫之獄訟以邦法斷之凡庶民之獄訟以邦成弊之

此又別言聽上下之

獄訟以典法成也大宰以六典待邦國之治以八法待官府之治以八成待萬民之治故定斷弊以之也大祭祀奉大

牲若禮祀五帝則戒之日泣誓百官戒於百族及納享前王祭之

日亦如之奉其明水火

禮晉因享同烹下歲同○奉大牲猶司徒奉牛牲司馬奉騂馬牲之屬戒之日即卜

之日所謂前期十日帥執事而卜日遂戒也泣之言臨也誓百官戒百族郊特牲庫門之內戒百官大廟之內戒百姓是也前之言導祭時亦然奉者司烜氏取之此奉進之也○王先生曰百官者百執事也百族者王之族姓也族姓與祭重於百官故獨戒於太廟之內所以辨親疎也大宰誓百官而大司寇泣誓非泣大宰泣百官之所誓於太宰者耳賈氏以大司寇不得泣大宰遂以為大宰持掌誓而誓者乃餘小官也失之矣劉氏曰禮凡朝覲會同前大而人衆非臨之以刑官無以致其肅故泣之

王大喪亦如之大軍旅泣戮於社

社謂社主在軍者

凡邦之大事使其屬

其屬謂士師以下蹕即士師蹕於王宮及鄉士遂士夾道而蹕蹕訝士居館而蹕是也凡前驅辟除謂之辟旁侍拱衛謂之蹕舊訓蹕為辟止行人是以蹕為辟也考士師及鄉士遂士訝士皆蹕與辟並見豈可合而為一手

小司寇之職掌外朝之政以致萬民而詢焉一曰詢國危二曰詢



國遷三曰詢立君其位王南鄉三公及州長百姓北面羣臣西面

羣吏東面小司寇擯以叙進而問焉以衆輔志而弊謀此序小司

寇中大夫二人之職而首推言其掌外朝之政以詢萬民也外朝

在庫門之外詢猶謀也國有難謀所以安國將徙謀所以居君無

適謀所以嗣也羣吏舊謂庶人在官也三公及州長百姓北面猶

朝士職三公州長衆庶在南槐也羣臣西面猶孤卿大夫及羣士

在左棘也羣吏東面猶公侯伯子男羣吏在右棘也不正言諸侯

者容不在焉虛之也擯揖之使前也叙次也弊斷也以衆謀輔王

志而因隨之也餘詳朝士及夏官司士○鄭氏曰司寇刑官也首

掌外朝之政致萬民而詢之何也重民也必小司寇何也大司寇

之職完之則後邪禁後之則後民聽故小司寇首舉之則重無加

焉爾王氏曰偏容之謂詢洪範云汝則有大疑謀及乃心謀及卿

士謀及庶人謀及卜筮皆從謂之大同則所詢謀者卿士咸在而

及庶人則偏矣故以致萬民爲主也疏曰云以衆輔志者註謂尊

王賢明也專欲難成舍已希衆聖人無心以百姓之心爲心今能

以衆輔成已志非賢明能之乎是乃所以尊王也愚按鄉老二鄉

則公一人三公卽鄉老也三公之下惟言州長中大夫而餘不及

者夫鄉大夫及黨正以下各居其治若皆離守入朝恐致衆故三

公外惟及州長也。師旬之屬，鄉官帥民徒，亦不盡至也。況致詢萬民乎？或乃謂凡鄉官皆在者，失之矣。以五刑聽萬

民之獄訟，附於刑，用情訊之。至於旬乃弊之，謫書則用法。此通言

之獄訟，以五刑也。五刑，墨劓剕宮大辟也。附著也。刑必當罪，如著於物而帖然也。用情，猶王制所謂盡心也。弊，斷也。十日乃斷，則盡

矣。書謂鞠獄之書將行，凡命夫命婦不躬坐獄訟。凡王之同族有

罪，不卽市。此特言聽命夫命婦之屬之獄訟，異常法也。坐，疏謂跪

王族不就刑於市而磬於甸。師氏記謂刑於隱者，不與國人慮兄

弟也。此亦下條八辟之意也。○疏曰：左傳元頃，莊子武子皆命臣

而得坐獄者，何也？代君也。若兩皆大夫，或以臣代君，皆無嫌也。介

甫，王氏曰：命夫命婦不躬坐獄訟者，貴貴也。王之同族有罪，不卽

市者，親親也。貴貴親親，如以五聲聽獄訟，求民情。一曰辭聽。二曰

色聽。三曰氣聽。四曰耳聽。五曰目聽。此又通言聽獄訟以五聲也。

訊鞠作其言，因察其視聽氣色以知情也。故皆謂之聲也。何氏曰：人精難察，然心則不可掩，心無隱則其辭直，其色定，其氣舒，其耳

目不亂心有塊則其辭支其以八辟麗邦法附刑罰一曰議親之  
色殺其氣喘其耳目皆惑也

辟二曰議故之辟三曰議賢之辟四曰議能之辟五曰議功之辟

六曰議貴之辟七曰議勤之辟八曰議賢之辟言其附刑罰以此又特

辟也辟亦法也麗附也附猶著也疏曰八辟不在刑書議得其罪

乃麗邦法而附於刑罰也親王之宗族故王之故舊賢有德者能

有才者功有勲勞者貴有爵位者勤勤於王事者實實以三刺斷

於王家者凡此皆請於王議其有無宥減以定法也庶民獄訟之中一曰訊羣臣二曰訊羣吏三曰訊萬民聽民之所

刺宥以施上服下服之刑中去聲下同○此又通言斷庶民之獄

疏謂五刑皆在三刺中註訓刺為殺者舉最重者而言是也訊問

也訊之而三以為可殺乃殺之故謂三刺也中猶刑罰不中之中

即所謂登中也一云中實書也正言斷庶民者非庶民則有八議

也聽從也宥寬也三訊皆可殺為三刺否則為三宥又否則為三

赦詳見司刺職言刺若宥不言赦者赦則無事刑也言聽民不言

聽臣若吏者民為主矣從省文也上服刑之重者下服刑之輕者

王氏曰：上服下服之服，猶舜典言五刑有服，呂刑言上刑適輕，下服下刑適重，上服也。記言刑人於市，與眾棄之，刺省所以必聽於民者，此也。及大比，登民數，自生齒以上，登於天府。內史司會冢宰貳

之以制國用。

比去聲。下同。○此因言其登民數也。上登言載下登，即藏也。男八月，女七月，齒生以後皆載。諸版而藏於

天府以重民數也。又藏其副於內史司會冢宰以制國用也。小祭祀奉犬牲，凡禋祀五帝實饗

水，納亨亦如之。

實水於饗以滌牲，納烹如之以養牲也。

大賓客，前王而辟，后世子之

喪亦如之。小師蒞戮。

辟同。闕下四職同。○辟之言除也。大司冠於大賓客大喪，則前王而已。此則皆為之辟，雖

小喪亦然矣。況大喪乎？大司冠大師蒞戮，故此蒞。凡國之大事，使小師也。祭祀大司冠前王不辟者，祭嚴無用辟矣。凡國之大事，使

其屬踣。

此蓋佐大司冠使士師以下也。稱邦為國者，孟冬祀司民變文。一曰邦，謂王城以內，國謂王城以外也。

獻民數於王，王拜受之，以圖國用而進退之。

此結登民數之意也。司民星名，見春官天

府民事成，故祀以報之也。進退猶言損益，數多則斂，豐而用克，數少則斂，約而用節，所謂圖也。○平仲王，氏曰：觀此而知成周之世

無遊民也。大宰以九職任萬民。一民必任一職。一職必生一財。故國用可以民數多寡為進退。後世非無民也。而紛紛以耗財則便耳。於國用何與。此天官九賦九職九式九貢。必先以九職培其源也。愚按民數國用並舉於小司寇之職。不惟一見者。蓋以見生養肅殺相為表裏。皆天命天討之意與。歲終則令羣士計獄弊訟。此意不明而養民者徒以戕民而已。

登中於天府。

此以下結凡刑獄之事也。羣士通謂鄉士遂士縣士方士評士計者。計其多寡。弊者斷其上下。登中猶斷

獄之中也。正歲帥其屬而觀刑象。今以木鐸曰不用法者。國有常刑。令

羣士乃宣布於四方。憲刑禁。

其屬謂士師以下也。帥其屬令以木鐸自雉門兩觀令之而已。今羣士布

憲則自六鄉而六遂及凡公邑之屬。令廣布而憲之士師職帥其屬而憲禁。今於國及郊野是也。○按今羣士三字貫乃宣布於四方。憲刑禁九字為義。猶地官小司徒令羣吏憲禁令也。而舊註乃以今羣士三字自為一條。而乃宣布於四方。憲刑禁九字別為一條。謬甚矣。據其說謂上文帥其屬為帥士師。而士師亦士。本文令羣士為令羣士。縣士方士而乃宣布於四方。憲刑禁為布憲職之布四方。憲刑禁也。但本文棠小司寇正歲帥屬觀象之文。其布憲四方。自指鄉遂縣鄙而言。至布憲職棠大司寇正月之吉布刑邦國都鄙。

之文其布憲四方則指邦國都鄙而言以士師及布憲二職考之其義甚明況今羣士三字若竟爲一條則文義不完而乃宣布於四方憲刑禁九字若不承上文令字則又必不令人布而乃命其自布之可也而亦何以核於布憲職哉其非理益明矣乃命其局入會乃致事亦猶小司徒令羣吏正娶會而致事矣此句本與入致稱此以正歲者所以慎終於始且春主仁示刑以仁爲主也其說則巧累於理矣按太宰總百官歲終則令各正其治受其會聽其政事而詔王廢置豈有獨刑官正歲入會之理況此句與歲終則令羣士義正相承而士師職歲終令正娶會又有明文呼士師之職掌國之五禁之法以左右刑罰一曰宮禁二曰官禁三

曰國禁四曰野禁五曰軍禁皆以木鐸徇之於朝暮而縣於門閭

左右並去聲縣懸同○此序士師下大夫四人之職而首縣言其掌五禁於未事也左右輔助也禁之使無犯法若輔助之也宮王宮也官野國軍並見大司寇朝者署寺之通名此謂刑署也爾雅基門謂之閭蓋總於刑署徇示之而後憲懸於各門閭也以各職推之可見○註曰右之禁書亡矣今宮門有簿籍官府有無故擅入城門有離藏下帷野有田律軍有警謹夜行之禁其粗可省者

愚按五禁與大司寇五刑相表裏但五刑有鄉刑無官刑而五禁有官禁無鄉禁者蓋外刑不施於官閭其有賞罰則內宰之屬主之而已至鄉禁則統於國中即鄉士所謂掌國中而各掌其鄉者與以五戒先後刑罰毋使罪麗於

民一曰誓用之於軍旅二曰誥用之於會同三曰禁用諸田役四

曰糾用諸國中五曰憲用諸都鄙先後並去疑○此又歷言掌五戒於方事也

使必守法若相道之也誓戒矢而戒之也若湯誓泰誓之誓誥戒告而戒之也若湯誥洛誥之誥禁戒過而戒之也若達人田役掌

其禁令之禁糾戒察而戒之也若刑典以糾萬民之糾憲戒表而戒之也若布憲憲邦之刑禁之憲○劉氏曰在疊云先甲三日後

甲三日在與云先庚三日後庚三日以五戒先後戒之使毋麗於刑罰聖人之仁也王氏曰誓非特軍旅而軍旅為主祭視田役之

類皆有誓也禁非特田役而田役為主官中府中之類皆有禁也誥糾憲亦若是而已愚按事無所屬無先後之可言也自事始周

密而言則曰左右而自事內諄復掌鄉令州黨族閭比之聯與其

而言則曰先後斯立言之旨與

人民之什伍使之相安相愛以比追胥之事以施刑罰慶賞

此推言掌

鄉州聯合之事以施刑賞也。比合追逐胥伺也。鄉五州州五黨黨五族族四閭閭五比以聯其居五人爲伍二五爲什以聯其人居則相安而不嫉來則相受而不拒雖追胥賊盜事可合比而刑賞亦共之矣事見問師職士師蓋以刑弼教也。○明齊王氏曰隣界不相通隣伍不相救於是有逐盜賊衆隄防以病隣國者族師五家爲比十家爲聯四閭爲族八閭爲聯其在軍亦如之如是直合六鄉爲一采六軍爲一人矣。泰誓云予有臣三千惟一心使人各有心欲誅奸除盜得乎此周禮士師所以掌合州黨族閭比之聯也。

掌官中之政令察獄訟之辭以詔司寇斷獄弊訟致邦令

此特言掌

官府政獄之屬以詔斷弊也官中謂司寇之官府中也察審也致猶報也謂其屬鄉士遂士縣士方士之類獄訟有待決者則察以告司寇斷而弊之而因掌士之八成一曰邦汙二曰邦賊三曰邦以邦令報其羣士也

謀四曰犯邦令五曰擣邦令六曰爲邦盜七曰爲邦朋八曰爲邦

誣汙先鄭讀作酌一讀作如字謀音牒擣作矯○此又歷言掌士之八成於未事也士通謂刑官之屬成謂成法也汙讀作酌者謂酌探國事如酌酒然也讀如字者汙激水聲謂激激國變如激水也按穀梁傳僖八年鄭伯乞盟蓋汙之也前說是邦賊謂潛伏



陰謀爲賊害邦謀謂細作行間爲偵謀犯邦令謂傲悍以干法攝邦令謂詐僞以矯制爲邦盜謂侵欺以盜財爲邦朋謂結黨以行私爲邦誣謂誣罔以惑衆○明齋王氏曰天地之道必有所主無主乃亂故萬姓戴君之心生於其性若八成之邦治邦賊邦謀陰懷二心背其君者也犯邦令播邦令不從王法抗其君者也邦盜攘竊其君者也邦朋邦誣欺其君者也司冠詰奸慝莫此爲大士師所以定爲八成必誅無赦若邦凶荒則以荒辯之法治之令移者以國家安則民乃安也

民通財糾守緩刑辯註讀爲貶一讀爲辨今按當讀如字○辯爲爲辨者謂辨凶荒之數若原人職三黜二黜之類也今按辯當讀如字辯之言議猶朝士慮刑貶之慮耳註引朝士職良是但不訓辯之爲慮而改辯之爲貶則於下移民通財糾守之義難通若或說則地官之職與本官無涉而於糾守緩刑之義亦隔矣移民以下皆見大司徒糾守卽其餘盜賊之意也蓋四者皆慮而辯之緩刑乃其本職而餘則聯職與○明齋王氏曰按此問卒伍及計邦用聚萬民天官地官夏官等職也而秋官亦治之蓋爲治必從其本末有不教且養而可相安者秋官必本諸此使之知禮義從衣食而自不至於爲盜也苟徒以刑罰待有罪不始於凡以財獄訟百獲以取貪賊者哉此司寇所以異於後世刑官也

者正之以傳別約劑

別音龍○此錯簡當在上條之前傳別約劑

特指言其職以明獄訟所由正也○王氏曰以財獄訟者必有傳

別約劑然後其實偽可正也民知此則無敢汚陷其始而獄訟

以省事謀始此也若祭勝國之社稷則爲之尸也○勝國所克之國

社稷則刑官爲尸一云尸以王燕出入則前驅而辟燕出入見小

秋官者取成功者退之義也

祀五帝句則沃尸及王盥句洎饔水句凡刳珥則奉犬牲洎音進

疏謂諸官所珥之新本字也○沃謂沃以水也尸入門以盤匱盥

及王將獻尸就盥皆士師沃之也洎饋也小司寇實饔水又饋而

增之也刳珥詳諸侯爲賓則帥其屬而踰於王宮大喪亦如之其

見夏官小子職謂鄉士踰於王宮大師帥其屬而禁逆軍旅者與犯師禁者而戮

註謂燕賓時也之註曰不從令爲逆軍歲終則令正要會正歲帥其屬而憲禁令

旅于行陣爲犯師禁於國及郊野會業稱要者月要在歲會中也國卽下鄉士所掌國

及六鄉也郊卽下遂士所掌郊及六遂也野卽下縣

士所掌野及各縣也。五禁徇懸於門閭。既承小司寇正歲木鐸之令矣。又特憲禁令於國及郊野者。蓋承其令羣士布憲而帥屬以憲其地也。

鄉士掌國中各掌其鄉之民數而糾戒之。聽其獄訟。察其辭。辨其獄訟。異其死刑之罪而要之。旬而職聽於朝。司寇聽之。斷其獄弊。其訟於朝。羣士司刑。皆在各麗其法。以議獄訟。獄訟成。士師受中。

協日刑殺肆之三日。若欲免之。則王會其期。此序鄉士上中下士

五十六人之職也。六鄉在國以外。鄉士掌鄉而先言掌國中者。註謂凡獄署皆從近六鄉之獄在國中。也。各掌其鄉未詳。或曰。上士總治二人。分治各一人。中士總治四人。分治各二人。下士總治八人。分治各四人也。察者。察其虛實。辨者。辨其輕重。察承聽而言異。承辨而言以方士推之可見。死刑謂大辟及四刑也。要。要書也。猶書所謂要囚何氏謂如今界節招情也。旬十日也。職聽於朝。謂其職當就司寇聽於外朝。王制所謂司寇聽之。縣木之下也。弊亦斷也。羣士謂六鄉之士及朝士也。鄉士就司寇聽獄於外朝。則朝士

亭廷外朝之法而司刑往詔刑罰以麗民罪故皆在也廷方放  
此議猶詔也成之言定定其事實之書即所謂中也協合也亦宜  
也謂於合刑殺之日而與鄉士刑殺之也肆陳也大辟則陳尸於  
市朝以警衆也免宥也謂王欲宥其罪則更爲期會率三公參聽  
於外朝王制大司寇以獄成告於王王命三公參聽之獄成王三  
宥然後制刑審指諸此而文小有詳畧也王曰王曰王曰王曰  
必先享其民數而糾戒之者以生息爲務糾治戒令俾不抵於刑  
罰所以生之也疏曰所司折獄得實案既成乃始就制詳論王難  
從免必無免法但王者惠深愛物庶欲免之恐有濫刑理須親會  
也李氏曰君之於民猶親之於子也推不忍人之心則人無有可  
戮可刑王欲赦宜也然天討有罪刑者非王之意天下人之意也  
殺人者死傷人者刑而民猶相殺傷苟赦之不近於帥賊而攻人  
乎先王不敢輕赦必於外朝議可否也故知赦者非王赦之情可  
赦也明齊王氏曰劉氏云不以司寇會王而王會其期者刑人於  
市與衆棄之非王可專也康誥非汝封刑人殺人無或刑人殺人  
是也以此知雖在八議必反覆議其罪而後寬之豈若後之賜赦  
與賜鐵券而預免其死罪者哉平仲王氏曰天之大德曰生秋之  
殺物其一吏耳雖盛九四以剛噬者有司執法之公六五以柔噬  
者人主好生之德季世反是下以寬市恩上以嚴峻法君臣胥失  
之矣寬仁如孝文而盜環警蹕僅賴釋之諫免至其平言齊後以

銷相徹者乃爲一弄臣耳豈古所謂殺之三宥之三者乎讀周禮至此不能無感也愚按旬而職聽於朝舊謂必至十日因無反覆然後聽之則攷各職遂士二旬而聽縣士三旬而聽方士三月而上於國何期之不一耶蓋獄情恐其有反覆而以旬爲期此鄉遂縣方所同也而其間又以地之遠近爲期之疏數則大祭祀大喪所異也以朝士及地官質人治之期日泰之可見

紀大軍旅大賓客則各掌其鄉之禁令帥其屬夾道而蹕三公若

有邦事則爲之前驅而辟其喪亦如之掌鄉之禁令者祀喪軍實六鄉皆有供職也義見地

官鄉師其屬謂中士以下有邦事謂三公以邦事至其鄉或鄉老有邦事也凡國有大事則戮其犯命

者上文祭喪之屬皆大事也此蓋謂軍旅會同田獵以軍令行之者與事並見鄉師職而鄉士以刑官主之亦猶大師士師戮之之意也六鄉則言國有大事六遂則言郊有大事縣鄙則言野有

大事皆謂獄署之所聚衆庶之處卽掌國中掌四郊掌野是也

遂士掌四郊各掌其遂之民數而糾其戒令聽其獄訟察其辭辨

其獄訟異其死刑之罪而要之二旬而職聽於朝司寇聽之斷其

獄弊其訟於朝。士司刑皆在。各展其法以議獄訟。獄訟成。士師受中。協日就郊而刑殺各於其遂。肆之三日。若欲免之。則王令三公會其期。此序遂士中士十二人之職也。六遂在郊以外。遂士掌遂而先言掌四郊者。六遂之獄亦在四郊也。各掌其遂未詳。或曰。總治六人。分治各一人。或曰。每二人各掌一遂也。就猶往也。鄉獄刑殺於國。遂則就郊行之而已。又言各於其遂者。六鄉之獄併在國中。六遂之獄分在各郊。故各歸首其地。且因以示警也。疏曰。會其期皆在外朝。而王不皆會何也。民有近遠。故鄉獄王自會。而遂獄則使三公會。縣獄則使六鄉會也。餘見上職。若邦有大事。聚眾庶則各掌其遂之禁令。帥其屬而蹕。六卿若有邦事。則爲之前驅而辟。其喪亦如之。

稱邦有大事。聚眾庶而不稱喪祭。軍實變文也。事見遂人遂師職。

凡郊有大事。則戮其犯命者。

上見

縣士掌野。各掌其縣之民數。糾其戒令。而聽其獄訟。察其辭。辨其

獄訟異其死刑之罪而要之三旬而職聽於朝司寇聽之斷其獄

弊其訟於朝羣士司刑皆在各聽其法以議獄訟獄訟成士師受

中協日刑殺各就其縣肆之三日若欲免之則王令六卿會其期

此序縣士中士三十二人之職也縣謂公邑之縣都亦野也通

言之者野謂近六遂之野其縣謂甸地以外達於三百里之公邑

矣縣士掌縣而先言掌野者甸地二百里并其外之公邑其獄在

近六遂之野故亦先言掌野也各掌其縣未詳或曰亦總治數人

分治數人也○王氏曰縣士掌鄉獄遂士掌遂獄而方士掌都家

之獄則知縣士掌其間凡公邑之獄矣諸獄所居之地以近者爲

主其所會之期以尊者爲先鄉士掌國中遂士掌四郊縣士掌野

是鄉之獄近於王城遂之獄近於鄉縣之獄近於遂此以近者爲

主可知矣士師爲王先驅而鄉士爲三公先驅遂士爲六卿先驅

縣士爲大夫先驅鄉士以王會其期而遂士以三公會其期縣士

以六卿會其期此以尊者爲主可知矣愚按公邑之地微於王畿

而其地則甸地爲主甸地在二百里以內六遂之餘皆爲公邑故

師以公邑之用任甸地是也其郊地百里爲六鄉而稍地三百里

爲家邑縣地四百里爲小都置地五百里爲大都其間皆有公邑

地官縣師掌邦國都鄙稍甸郊里之地域是也而註乃止謂稍縣都之不爲采邑者則爲公邑之縣而縣士掌其獄焉是畧其主地而止舉其旁地也夫甸地自在二百里之內而稍地縣地暨地皆在二百里之外若如其說是縣士方士所掌雖異而地之遠近則同也何以上獄訟則縣士三甸方士三月耶不特此也朝士職凡士之治有期日國中一甸郊二甸野三甸都三月邦國其地官質人之治質劑者其期亦如之凡皆以遠近爲遲速不得混野與都而一之也審據註謂掌野爲大總言之而其獄一在二百里上一在三百上一在四百里上則縣獄不專在野並與都家同遠近矣而又何以三甸之期下異於三月上又異於一甸再甸耶夫註所以設甸縣地自二百里以外始者則第於鄉遂縣各以百里差之而未實以開方法考之也第差以百里則鄉在百里之內卽遂在二百里之內而縣宜在二百里之外矣以開方法考之去國百里爲郊地通王城言之凡方百里者四方二百里者一方里而井者四萬內去山海城邑塗巷三之一猶二萬六千六百六十六井有奇再去其不易一易再易萊地三之一猶一萬三千三百三井有奇也去國二百里爲甸地通郊地言之凡方二百里者四方四百里者一方里而井者一十六萬除郊地四萬井猶十二萬井再去山海城邑塗巷及凡萊地之數如郊之法猶三萬九千九百九井有奇也而郊地之六鄉七萬五千家計爲井八千三百三十三井



有奇其餘之所存凡五千井皆當爲六鄉餘地之公邑甸地之六遂井如六鄉餘三萬一千六百六十六井更當爲六遂餘地之公邑而謂公邑惟三等采地之餘可乎自郊地至甸地皆有公邑而載師獨稱以公邑任甸地者六鄉餘地止居鄉十之六稍縣都之餘地無定數邦亦約矣而六遂餘地幾四倍於遂故獨主之也蓋地官縣師總掌邦國都鄙稍甸郊里凡公邑之地而在秋官則正掌甸地之公邑者爲縣士其六鄉以外之公邑則遂士實掌之且爲署焉遂士職首稱掌四郊是也其稍以外采地之餘邑則方士兼掌亦如之方士職稱以時修其縣法是也諸職之各有條若邦理如此安得不考其名實而致經義之盡失哉學者幸體之若邦有大役聚衆庶則各掌其縣之禁令若大夫有邦事則爲之前驅而辟其喪亦如之

邦有大役縣師所謂若有軍旅會同田役之事則作其衆庶是也其祭喪之屬以筮故不得與

矣言役亦變文也

凡野有大事則戮其犯命者

見鄉士職

方士掌都家聽其獄訟之辭辨其死刑之罪而要之三月而上獄訟於國司寇聽其成於朝羣士司刑皆在各麗其法以議獄訟獄

訟成士師受中書其刑殺之成與其聽獄訟者此序方士之職也

謂野地之大都縣地之小都稍地之家邑也其獄署非一界以掌

都家推之則家之獄在稍以上小都之獄在縣以上大都之獄在

都以上明矣故其上獄亦不以一句為差而以三月為差也不言

職聽於朝有其主君在焉方士不得專也書方士書之也與猶殺

也聽獄訟者黃氏謂都家之士也聽辨既成而上於國國既聽又

書其成以付其都士家士原聽訟獄之人而已其協日刑殺以下

亦其主君及都家之士為之故不言也○王氏曰司寇聽其成之

成乃都家聽斷之成而上於國者也獄訟成則有司譯士司刑聽

斷之凡都家之大事聚眾庶則各掌其方之禁令大事亦謂會同

成也各掌其方蓋方士十六人以時修其縣法若歲終則省之而誅賞焉

縣法即縣師辨其夫家人民田業之數之屬方士亦修縣師之法

者三等公邑與三等采地其地治相通故方士掌以時修之猶鄉

士之掌國中遂士之掌四郊之意也歲終則省凡都家之士所上

而誅賞蓋亦與縣師之三年詔廢置相表裏矣治則主之都家之士所上

事主其弊斷不如刑殺大罪以要成上於國也此章舊

三

註謂都家之獄其吏自協日刑殺士師但書其成及治獄之吏姓名備反覆有失實耳所上治謂小事不附罪者都家之士既上方士主告於司寇聽平之也按獄至司寇聽於外朝則其反覆有失實者自是定矣鄉士遂士縣士諸職皆繼之以協日刑殺以此非獄尙疑於失實而遽奪常其民可知也方士之刑殺自行於都家之主若吏故黃氏謂書其成以致於原聽獄者令其行之也豈若所稱書吏名備失實之謂哉且既以所上治爲不附罪之小事而又謂主告於司寇聽平之豈小事矣而又有司寇聽平之理耶故並正之

訝士掌四方之獄訟諭罪刑於邦國凡四方之有治於士者造焉

四方有亂獄則往而成之

此序訝士中士八人之職也四方司農

居王之內界故賓客至而逆送之矣論者告曉以應罪及制刑之本意也治於士之士指士師也註謂讞疑辨事先來詣乃通於士師如今郡國亦遣主者吏詣廷尉讞也稱有治於士者邦國獄不盡造聽王朝但疑者則以治於士師耳亂獄註謂君臣實減上下相虐者也往成之者奉命往正其罪猶呂步舒使治淮南獄也一云上下清亂之獄然中書牽張故往成之猶陰訟聽於縣國之社

之意也。邦有賓客則與行人送逆之入於國則爲之前驅而辟野亦

如之居館則帥其屬而爲之蹕誅戮暴客者客出入則道之有治

則贊之。行人謂小行人其屬謂役也居館之蹕猶蹕於王宮之蹕暴客謂暴其客者道引也客凡出入皆道引之其有所治

又贊助凡邦之大事聚眾庶則讀其誓禁大事亦謂邦之征伐之類誓禁皆命之辭禁戒

之法也

朝士掌建邦外朝之法左九棘孤卿大夫位焉羣士在其後右九

棘公侯伯子男位焉羣吏在其後面三槐三公位焉州長眾庶在

其後左嘉石平罷民右肺石達窮民焉帥其屬而以鞭呼趨且辟

禁慢朝錯立族談者。朝音潮職內同長上祭辟謂同○此序朝士中士六人之職也外朝即小司冠之外朝羣

士謂上中下士九棘三槐註謂棘取赤心而外刺槐取黃中而美

慘也左即所謂西面右即所謂東面而即所謂北面孤卿大夫位

左而公侯伯子男位右所以尊國君三公對君而以孤卿大夫對公侯伯子男所以尊王臣羣臣羣侯皆衆故棘有九公三而已故槐以三也左嘉石右肺石薛氏謂左卑以辱罷民右尊以伸窮民也辟除也呼以趨百官之就位繼以辟萬民之叙列慢朝謂處班不肅者錯立謂違班妄立者族誅謂聚語譎譁者○註曰王有五門三朝五門之序一臯門二庫門三雉門四應門五路門三朝之序外朝在臯門之內治朝在應門之內燕朝在路門之內而司農於門則謂二曰雉門三曰庫門於朝則又謂外朝在路門之外內朝在路門內何耶按明堂位魯之庫門天子臯門其雉門天子應門言魯用天子之禮所名庫門者如天子之臯門而以內兼外所名雉門者如天子之應門而以外兼內也雉門爲中門設兩觀闕人幾出入與宮門同窮民不得入也而外朝有肺石以達窮民則外朝在外明矣周天子諸侯皆三朝外朝一內朝二內朝之在應門內者謂之治朝其在路門內者謂之燕朝而樂謂外朝在路門外內朝在路門內也何哉雜說曰史治未必盡平而民情不可使壅故肺石設於外朝大司寇主之而聽之者朝士也路鼓立於寢門之外大僕主之而守之者御僕之屬也凡老幼孤獨之民欲有復於上而長弗達者立於肺石三日朝士聽達於王以擊路鼓大僕聞鼓聲則速進御僕與御庶子問故而以復於上成周之民所以日達於上者由聽堂有其人先後有其序也少鍾葉氏曰周有三

親與朝在路門之內王與宗人嘉事之飢治朝在應門之內王日  
聽治之朝外朝在皋門之內王詢萬民聽獄之朝也外朝之政小  
司寇致萬民而詢與公卿侯伯羣士羣吏相復先大治朝率天掌  
其法叙羣吏之治以待賓客之令與諸臣萬民之復逆大燕朝諸  
侯之復逆掌於大僕三公孤卿之復逆掌於小臣羣吏庶民之復  
逆掌於御僕而大僕又掌建路鼓於大寢門外以待達窮者與達  
令觀三朝之法則知周之盛時戶庭無壅其疎通洞達何如哉况  
治朝之大僕及司士燕朝之大僕小臣御僕雖皆屬於夏官而主  
眠治朝家宰贊之大僕正位不眠朝則大僕辭於三公及孤卿其  
燕朝臣民之復逆亦與宰夫相關以此見周人宮中將中實爲  
體而更無內外之分凡得獲貨賄人民六畜者委於朝告於士旬  
矣後世可不法與

而舉之大者公之小者庶民私之

畜休去聲○貨賄曰得人畜日獲皆謂遺失也士卽謂朝士也

下節言士放此舉取也不遽取者將待其人而凡士之治有期日反

之也公公家也大者公小者私皆制以義也國中一旬郊二旬野三旬都三月邦國葢期內之治聽期外不聽

凡士之治亦謂朝士之聽治也其期日謂始犯事以來至乞聽時  
矣期外不聽凡以息訟也餘詳地官質人○平仲王氏曰凡士之

治有期日疏謂卽上文鄉士遂士等獄訟成來於外朝聽者也  
今玩經文乃謂民赴愬於士以遠近爲期限而聽之耳非謂鄉士  
遂士等所上之獄成也上獄成踰期則宜誅  
責有司而速聽之豈漫然付之不聽而已哉凡有責者有判書以  
治則聽凡民同貨財者令以國法行之犯令者刑罰之凡屬責者  
以其地傳而聽其辭如字或音燭傳音附○凡貨必責其債故  
謂可以治也同貨財以下今始以舊解釋之同之言聚也合也行  
猶出也註謂富家蓄聚者令於民間乏時以國服之法出之雖有  
騰躍其贏不得過此若今加責取利半賊是也屬責疏謂有人聚  
他責乃別轉與人屬使償其財主也傳猶近也其轉償之人或以  
原舉責之人死亡抵冒其數爲少則必以其地比近者爲証而後  
聽治也一謂屬責乃財主有他故或疾革屬令家人若親故取之  
也其舉責之人或有抵冒必以其地凡盜賊軍鄉邑及家人殺之  
鄰見屬者及其原立傳別乃聽之也  
無罪凡報仇讐者書於士殺之無罪盜賊軍謂盜賊羣輩若軍也  
隣里家人謂事主書於士謂鳴其事於朝士也以嚴禦盜故當其  
時殺之則無罪以大復仇故書之後殺之亦無罪○葉氏曰此報

仇讐卽地官謂人職所謂弗辟則與之端節而以執之是也蓋父  
兄師長之屬被人殺害禮文有不共戴天不反兵而鬪之義而因  
過誤而殺傷者又虞書所謂宥過無大周書所謂眚災道厥辜時  
不可殺者也故令避之以示救四裔屏遠方之義若不從王命而  
避則非誤而故矣故又書于士與以節而使得以自執之也愚按  
葉氏之說極得處周宥過無大刑故無小二條法外之至意其不  
官執之而與執之者宥過若上之仁報仇于孫之義與此其與謂  
人職正並行而不相悖而說者求其解不得乃謂仇人放在遠方  
會赦還里而因殺之也如其說毋論避與放孰有別果放流之矣  
三代以上有赦過無赦罪且如有激而殺之是亦抗上命也可乎  
若邦凶荒札喪寇賊之故則令邦國都家縣鄙施刑貶處國貶有也令  
國議其刑之可減亦以憫天苗恤人害也

司民掌登萬民之數自生齒以上皆書於版辨其國中與其都鄙  
及其郊野異其男女歲終下其死生此序司民中士六人之職也  
版戶籍也猶今黃冊書某鄉  
某里人也異別也下之  
言去登生而去死也及三年大比以萬民之數詔司寇司寇及



孟冬祀司民之曰獻其數於王王拜受之登於天府內史司會冢

宰貳之以贊王治

會音怪○司寇謂小司寇司民星名必貳之者王治以生民為重將驗登耗以黜陟其鄉遂大

夫公邑大夫及采地之王也餘見小司寇及天官天府○東萊呂氏曰地官媒氏男女自成名以上皆書年月日時焉內則子生三月之末男角女姁以見於父父名之宰書曰某年某月某日生而歲之宰告閭史閭史為二書一藏諸閭一獻諸州史州史獻諸州伯州伯命藏諸州府其制詳密如此戰國以來制廢久矣秦始皇復令男子書年而不及女特恐民之避征役耳豈有三代重民之意哉平仲王氏曰司民之屬於秋官也仁哉一獄成而民數闕焉民吾子也失數而陷於罪戾民而成已威是一獄成而上負兩罪也

司刑掌五刑之法以麗萬民之罪墨罪五百劓罪五百宮罪五百

剕罪五百殺罪五百

剕音異則音月○此序司刑中士二人之職也麗附也合也墨者黥面劓者截鼻宮者男

子割勢婦人幽閉刑者斷足四者所謂肉刑也殺則死刑也○註口按書傳云決關梁踰城郭而畧盜者其刑贖男女不以義交者

其刑官。觸易君命。革輿服制度。奸宄盜攘傷人者。其刑剕。非事而  
事之出入。不以道義。而謂不祥之辭者。其刑墨。梓。板。獄。賊。刑。各奪  
壞。擄。虐者。其刑死。此二千五百罪之畧也。其刑書則亡。夏刑大辟  
二百。宮。辟。三百。刑。辟。五百。則墨。各千。周則變焉。所謂刑罰世輕世  
重也。疏曰。觸者。不行君命。易則敗易之也。夏刑以下。據呂刑而言。  
至周減輕刑。入重刑。是夏刑輕。周刑重也。漢文帝十三年。太倉令  
淳于公有罪。當刑。其女緹縈上書。遂除墨。剕。刑。三刑。官刑。自西魏  
至隋唐而除。黃氏曰。死者不可復生。而先王有大辟之法。斷者不  
可復續。而先王有墨。剕。官刑之法。蓋殺一人而後能生其欲死者。  
刑一人而後能續其欲斷者。是故先王有不忍人之政。而肉刑未  
嘗廢也。文帝以鉗。答。代之。然民視鉗。答之輕。而陷於罪。後  
世惜一剕。一刑之屬。而招其罪。至於大辟者。可勝計哉。若司寇  
斷獄。弊訟。則以五刑之法。詔刑罰。而以辨罪之輕重。並言罰者。  
司也。辨者。使輕不失出。重不失入也。○牛仲王氏曰。聖人之制法  
也。如權衡然。物自以其質輕重。而權衡不知也。故五刑設於三代。  
而三王之仁聞。世卒莫及焉。德怨皆不能緣之而生。則仁之至也。

司刺掌三刺三宥三赦之法。以贊司寇。聽獄訟。壹刺曰。訊羣臣。再

刺曰訊羣吏三刺曰訊萬民壹宥曰不識再宥曰過失三宥曰遺忘壹赦曰幼弱再赦曰老旻三赦曰蠢愚以此三法者求民情斷民中而施上服下服之罪然後刑殺忘言妄旻耄同憲養同○此序司刺下士二人之職也司寇亦謂小司寇也訊羣臣以下謂訊之而可刑殺者猶言左右諸大夫國人皆曰可殺也不識謂若報仇謬以甲爲乙而殺之也過失謂若舉刃欲有砍伐而誤殺人也遺忘謂若開帷漸忘有在焉而以投射矢石殺人也幼弱年少而弱耄者老旻年老而昏耄者蠢愚性蠢而無知者三法並謂三刺三宥三赦也餘見小司寇○何氏曰罪雖當殺然不遽殺也一詢諸公卿大夫之尊二詢諸府史之卑三詢諸國人之衆皆以爲可殺而後殺焉然又求之曰豈其不知乎豈失誤乎豈遺忘乎有是三宥則宥以寬之又求之曰抑其人小弱乎或老耄乎或愚蠢乎有是三者則不止宥而直赦以釋之也所謂求中者如此馬氏曰唐虞三代所謂赦者必其情可矜或其事可疑然後赦之凡在三赦三宥八議之列皆隨事而爲之斟酌所謂議事以制者也至後世乃有大赦之法不問情之淺深罪之輕重凡犯在赦前則赦人無不死傷人者不刑盜賊奸宄不復詰於是赦遂爲長好之門大康侯何氏曰舜典云眚災肆

於易之解卦云君子以赦過宥罪呂刑云五刑之疑有赦五罰之疑有赦周官司刺三宥三赦止此未聞肆大青也大青皆肆則歷天討縱有罪虐無辜矣後世始息為政其弊益滋益流於此諸葛武侯言治世以大德不以小惠其為政故不妄不罰人久而歌思稱周人之思召公也斯得之矣春秋書肆大青譏失刑也愚按大赦者世號為美政而先儒蓋不與也然懲刻者或又假為口實而峻以自用竊謂刑之為道其始必無濫刑而失入其終必無濫赦而失出失入則誣良失出則保惡之二者皆非小失也嗚呼是非仁至而義盡者孰能與於斯哉

司約掌邦國及萬民之約劑治神之約為上治民之約次之治地

之約次之治功之約次之治器之約次之治贊之約次之此序司約下士

二人之職也邦國該都鄙而言大史藏凡邦國都鄙及萬民之有約劑者是也約謂以言相約劑其券書也神約如成王命魯外祀則郊社內祀則大禘之類是也民約如分魯以殷民六族衛以殷民七族晉以懷姓九宗之類是也地約如取相土之東都以會王之東莒是也功約如號仲虺叔勲在王室藏於盟府之類是也器約如魯得用四代之車服禮器之類是也贊約如大宗伯以玉作

六璫及春秋以璽請假許田之類是也註曰六凡大約劑書於宗

彝小約劑書於丹圖

約劑邦國爲大萬民爲小宗彝謂宗廟之六

是也其制未詳或曰蓋彫器重簋之屬有若有訟者則珥而辟藏

其不信者服墨刑若大亂則六官辟藏其不信者殺

珥註作解

○訟若宋仲幾不受功士彌牟請觀諸故府之類辟藏也藏謂天  
府所藏也珥者重其禮象以外也大亂謂僭或不道若吳楚稱王  
晉文請隧之類故六官之屬同辟藏也○王氏曰大者書於宗彝  
盟諸神示無疑也小者書於丹圖色以丹示無隱也不信者服墨  
刑以宜信不信則爲墨而不明也

司盟掌盟載之法

此序司盟下士二人之職而總舉之也凡邦國

有疑會同則掌其盟約之載及其禮儀比而詔明神既盟則貳之

邦國謂諸侯也有疑而會同以盟之所謂謀其不協矣明神如日  
月山川之屬貳者貳天府也大司寇職凡邦之大盟約六官及大

史內史司會皆陳之而獨不及司盟之盟萬民之犯命者詛其不

信者亦如之命謂君命也如者如凡民之有約劑者其貳在司盟

有獄訟者則使之盟詛貳亦謂貳天府也大盟約六官及大史內

之而已約劑而貳以司盟者以神酌其終也獄訟亦使之盟詛者

以神過其始也此以上言萬民之盟約也或曰言邦國亦兼都鄙

言萬民亦兼羣臣也○黃氏曰犯命不信皆當刑羣士及司約職

所稱是也不刑而盟詛何也如註引盟藏孫詛子都之類矣孫

新闢罪當坐而罪不可盡刑故盟紇也尉考叔當坐而子都誅以

避罪故詛之訟獄覆情詛詐無實証不可考株連則恐其枉故亦

為盟詛止之也凡盟詛各以其地域之衆庶其其牲而致焉既盟則為司

盟共祈酒脯為去聲○供致其牲如鄭伯使卒出報行出犬雞之

總言之也○或疑則官司盟程子曰先王之時所以有盟者亦因

民而為之未可非也但春秋信義皆亡日事盟詛不尊王命故春

秋凡書皆貶也惟晉命一事稍為近正故終齊衛二君之世不相

侵伐亦可喜也王氏曰世之治也人心相與以誠相示以信知畏

於神而不敢欺知敬於神而不敢慢先王因其有畏敬之心而賜  
畏敬以先之而因以畏盟謂為大畏而至於威儀則同盟彌亂且  
爭者豈小補哉臣刑稱苗民罔中於信則盟詛帝世已然而記者  
以盟詛不及三王不亦謬乎黃氏曰商人作誓而民始曉周人作  
會而民始疑然則盟果非先王之事乎先王以之  
輔德信者也後世德信廢此民所以畔且疑也

職金掌凡金玉錫石丹青之戒令

此序職金上下士六人之職也金玉錫石見地官

丹青之類凡戒令即謂受入若供用之屬也

受其入征者辨其物之數惡與其數量

楬而璽之入其金錫於為兵器之府入其玉石丹青於守藏之府

入其要

以美同楬音傑藏去聲○入征謂升人入其征也楬標重印也標其名而印記之也為兵器之府謂棄人若攻金之

屬守藏之府謂王府之屬

掌受士之金罰貨罰入於司兵

謂金所

贖緩也貨罰謂凡幣也入於司兵以作兵器若市物料也按夏官棄人獻受財於職金司兵無文木職不言入於棄人而信司兵者棄人乃司兵之屬棄人受財司兵可知也義詳司兵旅於上帝則其其金版簠諸侯亦如之

凡國有大故而用金石則掌其令

金版未詳註曰金版餅金也王氏曰掌次大旅設皇邸先儒以

邸為後版屏風蓋以金飾之也按二說不同以金飾屏義相未協攷禮器大饗之禮納金示和也金次之見情也金版殆為此與大故用金石謂寇戎喪敗作捍禦之具

司馬掌盜賊之任器貨財辨其物皆有數重買而梏之入於司兵

賈價同○此序司屬下士二人之職也凡犯政為惡曰厲盜其奴賊為甚在器其所用之兵器貨賄其所得之財物物對名也其奴男子入於罪隸女子入於春槩凡有爵者與七十者與未亂者皆

不為奴

其奴之奴孥同下如字配音視○其奴謂盜賊之家屬為奴謂從沒於官而立役也罪隸見本官司隸春槩見地官

春人槩人即所謂為奴矣有爵不奴所以貴貴七十不奴所以老老未亂不奴所以幼幼毀齒謂之亂男子八歲女子七歲而亂也○明齊王氏曰或謂盜賊之任器貨賄即與所捕之人則民爭務於逐盜豈非止盜之方乎是不然此秦人尚功首虜之法驅民以利者也先王養民厚矣其有寇戎盜賊為生民患辟大義而伐之民懷敵愾進有賞退有戮何假此以誘之且既開此端則惟利是



赴要功生事無所不至惟法制未備民或有此不當計其贓物以  
阻斯弛之士耳愚按盜賊自取財而言則強曰盜竊曰賊盜大而  
賊小掌戮職刑盜於市是也自叛國而言則又盜小而賊大國史  
凡反逆皆書賊掌戮職斬殺賊謀是也此職兼有二義而男女為  
奴則指叛國言之若止取財即盜亦不盡沒  
其上下膏幼况賊乎罪人不孥先王之法也

犬人掌犬牲

此序犬人下士二人之職而總舉之也

凡祭祀其犬牲用牝物伏瘞亦

如之凡幾珥沈辜用騂可也

牝音全瘞音意幾珥音義見夏官小子及士師職騂音壯○體完毛純曰

牲物伏者謂較祭時伏牲而饗之也瘞者謂祭地時飾牲而埋之也幾珥繫廟之屬沈祭川辜陳門也雜色曰騂凡相犬

牽犬者屬焉掌其政令

相去聲○相以擇之牽以呈之也王氏曰相犬者謂其屬買四人牽犬者謂徒十六

人掌凡政令則非特

上文俱用者而已

司圉掌收教罷民

罷殺同○此序司圉中下士十有八人之職也同即大司寇之屬土收教即其聚教誨教役而

使之悔改也

凡害人者弗使冠飾而加明刑焉任之以事而收教之能

以者上罪三年而舍中罪二年而舍下罪一年而舍其不能改而

出國土者殺雖出三年不齒夫冠飾令著墨幘而已猶指衣冠之意也舍幘也卽所謂返於中國雖出

之出謂能改舍出者也餘見大司寇此歷明收教之制也凡國土之刑人也不虧體其罰人也

不虧財言但加明刑及罰令役事而已非五刑之傷

掌囚掌守盜賊凡囚者七字上罪桎桎而桎中罪桎桎下罪桎王

之同族桎有爵者桎以待罪罪桎桎同○此序掌囚下士十二人

桎桎劉氏謂木其項曰桎木其手曰桎木其足曰桎是也惟三木

分施於項手足故罪之上者項手足三木皆備次者但項足有木

又次者但項有木而已舊註乃謂木在手爲桎兩手共一木爲桎

則上罪桎桎而桎云木在手而又云兩手共一木理難通矣且下

節加明桎註同謂書其姓名及其罪於桎以著之也則桎是木其

項益明矣桎象廣於桎桎施明刑焉後世謂之枷易有後桎耳是

也而如之何誤爲木在手乎桎斷也盜賊以下皆守以待罪也○

疏曰此謂五刑罪人也古者五刑不入國土身居三木掌囚守之

同書

卷九

七

夏書

極重者三木俱著次者二下者一王及刑殺告刑於王奉而適朝

族及有爵縱重罪亦一而已尊故也士加明梏以適市而刑殺之凡有爵者與王同族奉而適甸師

氏以待刑殺朝音潮○告者謂告以罪犯姓名及刑期也朝謂外

使警衆也不適市而適甸師且不明梏者隱於刑親親貴貴之義也待刑殺者待掌戮也

掌戮掌斬殺賊謀而搏之凡殺其親者焚之殺王之親者辜之注

作膊字之誤也○此序掌戮下士二人之職也賊謂謀不軌者謀謂行間謀者親謂凡五服之尊親也註曰斬以斧鉞若今腰斬殺以刀刃若今棄市搏卽殺而膊諸賊上之膊蓋去衣以繫其尸也疏曰賊謀二者雖皆大罪仍擇太重者斬稍輕者殺其膊則同也王氏曰殺其親者賊仁故焚燒而不存其形殺王之親者賊義故辜戮而不全其體也此皆言殺刑之極也凡殺人者

踏諸市肆之三日刑盜於市凡罪之麗於法者亦如之唯王之同

族與有爵者殺之於甸師氏凡軍旅田役斬殺刑戮亦如之  
踏音

殺人者謀殺故殺之類路仆也謂殺而仆其尸也肆陳尸也刑亦  
路也亦如之者謂刑盜於市及凡麗於死罪者皆肆之也此言戰  
刑之大也殺之旬師氏者常囚來而主乃殺之也此言殺刑之下  
也又稱亦如之者言軍旅田役其斬殺刑戮皆於市肆之正以見  
惟同族有爵乃殺墨者使守門剗者使守關宮者使守內川者使  
而不肆之義也

守門鬻者使守積

積音忒○去髮曰鬻積音積也王氏謂諸守各

人者刑之以償其罪養之以全其生也先王之於刑民無所喜怒  
刑者彼其自取非王刑之也王氏曰大辟以下輕則流之流之則  
有室重則刑之刑之則有使而記又稱公家不畜刑人何哉蓋公  
家雖使刑人而君子則不可近此吳子餘祭見殺於閭春秋讓之  
也明齊王氏曰髡說以髡為同族犯官刑而殺者非也夫公族不  
髡其類但減官為刑髡可苟降從髡則應剗刑者不獲減刑乃反  
重也愚按本職次五刑為四等義之盡仁之至也而後世除肉刑  
則三等耳兩亦如之句上指止民下指軍旅田役罪無殊科是乃  
軍民一體之道也而後世軍職或加末減益兵農分而處之亦大  
其平矣其親貴非全貴則直察諸市也亦豈旬師氏之遺制乎

司隸掌五隸之法辨其物而掌其政令

此序司隸中下士十四人  
之職而總舉之也五隸即

下賤罪隸蠻隸閩隸夷隸貉帥其民而搏盜賊役國中之辱事爲隸也物凡兵器衣服之屬

百官積任器凡囚執人之事其民謂罪隸之民對四翟故稱其民也博爾博執也辱事謂煩辱之事積

聚也任器見牛人及司馬囚執人之事謂執其人而囚之也邦國有祭祀賓客喪紀之事則役

其煩辱之事亦承罪隸之民而言也煩辱之事如典祀職徵隸之類以義推之此節當在罪隸職之末掌帥四

翟之隸使之皆服其邦之服執其邦之兵守王宮與野舍之厲禁

翟狄同○四狄卽蠻閩夷貉也野舍卽亭舍之舍屬禁見山虞澤

虞之屬王之野舍亦有之按下四翟之隸守王宮野舍之外別有役使而此止言其守者惟守王宮野舍則司隸帥之也○王氏曰

古者守在四夷治教旣明則四夷莫不向德內可使守王宮外可

使守野舍此司隸所以帥之也必皆服其邦服執其邦兵者四夷

各有利器宜服此王制所謂齊其政不易其宜修其教不易其俗

也  
罪隸掌役百官府與凡有守者掌使令之小事凡封國若家牛助

為彛徧

此序罪隸百二十人之職也。役百官府若積任器囚執人

轉徙而

是也。役凡有守者若捕盜賊是也。便令之小事及以牛助

辱事也

封國謂建諸侯封家為立大夫其守王宮與其屬禁者如

蠻隸之事

明齊王氏曰十四字宜屬闕隸為是按司隸職止言帥

子虎賁氏之虎士及司隸四翟之隸王宮之守皆無假於罪隸者

又以文勢推之豈未言蠻隸而遙言如蠻隸之事乎闕隸正服此

簡蓋誤衍於此也愚按此十四字宜從王氏入闕隸職而司隸職

邦國有祭以下十八字當在此蓋秦火後古文之失正者多矣

蠻隸掌役授人養馬

技音敎○此序蠻隸百二十人之職也役養

不足給

故也其在王宮者執其國之兵以守王宮在野外則守屬禁

司隸不言服那服省文也下放此○陳氏曰古之宿衛王宮者不

特士庶子而已有虎賁之虎士司隸之諸隸所謂在國則守王宮

舍則守王閤也云四隸如蠻隸者周時南方為尤遠賁其來故掌

四夷之官稱象胥而奏樂亦以南詩云以雅以南記云胥鼓南意

皆可

周禮

卷九

三

宣帝

閭隸掌役畜養鳥而阜蕃教擾之掌子則取隸焉

此序閭隸百二十人之職也畜

謂掌畜職也掌子未詳註謂王立世子置臣使掌家事而以閭隸役之也王氏謂子鳥所生也以上下職例之王說為近蓋取卵若雛以隸於其所而使伏而養之與然義皆不甚安恐有脫文或曰掌字乃鳥之誤也○明齊王氏定此下脫其守王宮二句誤衍於

罪隸職今從之

夷隸掌役牧人養牛馬與鳥言

此序夷隸百二十人之職也牧人掌牧六牲役之者供芻豢也與鳥

言如傳稱公治氏能明鳥言之類

其守王宮者與其守厲禁者如蠻隸之事

貉隸掌役服不氏而養獸而教擾之掌與獸言

此序貉隸百二十人之職也服不氏

掌養猛獸故為之役言教擾不言阜蕃者猛獸不乳於園檻也與獸言如春秋傳介葛盧聞牛鳴之類

其守王宮者

與其守厲禁者如蠻隸之事

周禮卷之十

姜兆錫輯義

秋官司寇序職下

布憲掌憲邦之刑禁

此序布憲中下七六人之職也憲邦之刑禁

為表懸而號令者其常也大司寇和布刑於邦國都鄙而特為執節而宣布之則事大而職彌重矣故下節特以正月之吉言之

正月之吉執旌節以宣布於四方而憲邦之刑禁以詰四方邦國

及其都鄙達於四海

旌節謂道路之旌節也小司寇今羣士乃宣布於四方憲刑禁者以鄉遂凡公邑地近故

今其鄉上達上縣士布憲之而已此大司寇布刑於邦國都鄙以

地遠事重非方士諸士所專主故又設布憲職以旌節憲之也詰

責所謂詰好惡刑暴亂也及其都鄙明非王國之都鄙而已達於

四海則於聲教之所訖者而極言之也○明憲王民曰易云先王

以明罰敕法其制刑豈視民若禽獸然雖欲其不見而網羅之哉

蓋使之知而不教也乃可為民父母也故大司寇掌和布刑於邦

國都鄙縣刑象於象魏佐以小司寇及士師之屬而復設此職以

車陳之俾執節而憲則所謂不教而殺者鮮矣劉氏曰以中士二

司馬



人下士四人胥徒四十四人而行四方達四游欲使必聞其禁者未之能達也必書其刑禁之憲於民者以達於州伯州伯達於卒正卒正達於連帥連帥達於屬長屬長達於諸侯諸侯以達於其都鄙庶乎其可及也愚按劉氏遞布之說善矣而其說又謂布意執節巡方詰其違禁者則非也夫宣布未能必達曾巡詰設難於宣布而諸人反能達乎以經意推之乃職官六人與其徒役分爲諸路執節布於四方之州伯以使達之而所謂詰四方而達於四海者乃四方各以所布者詰糾奸慝耳蓋總布爲其躬親而通布而分詰者皆非其所親也凡邦之大事合衆庶則以刑禁號令大劉說語有離合故節存之凡邦之大事合衆庶則以刑禁號令事謂備田喪役之類號令亦憲布之意也

禁殺戮掌司斬殺戮者凡傷人見血而不以告者攘獄者過訟者

以告而誅之

此序禁殺戮下士二人之職也司之言察該下四者而言也斬殺戮註謂吏民私相斬殺戮也傷人

告謂里閭畏懼不敢告也攘註謂猶卻也將治其獄而其人卻而不受也疏謂官有文書追辨不肯受也過止也見其欲訟寬而禁過不得行也告謂告司寇以上於王也誅者凡五刑之通稱○疏曰此官恆在民間私覩惡事而告於上故註以司爲察也知斬殺

戮是吏民相斬殺戮者以傷人云不以告則斬殺戮盡是不以告明是吏民私相斬殺戮也李嘉會曰禁殺戮之人上所置以懲惡也或其人財勢盤結而冤枉不伸有如下四者皆告於上而誅之也愚按斬殺戮及傷人皆人畏其勢而不告者故此官掌察其殺人傷人之人以告而誅之於不以告者無與也懷獄者乃殺傷人之人被治而自振之益當誅其怙惡遇獄者則被殺傷之人欲訟而人過之兼當誅其黨惡蓋本官以禁殺戮爲職而罪則各有所有歸以治之也或以不以告者與遇訟者同科則失矣

禁暴氏掌禁庶民之亂暴力正者擣誣犯禁者作言語而不信者

以告而誅之

正征同擣矯同○此序禁暴氏下士六人之職也正如力征經營之征亂暴力征謂敢作威怒脅衆從已

也擣誣犯禁謂擣曲誣制以觸刑禁也作言語而不信謂造作無然之語以煽惑衆心也上職惡已著誅以遏其流本職惡方形誅以清其本也○劉氏曰王制析言破律亂名改作執左道以亂政者殺行僞而堅言僞而辯學非而博順非而濫以疑衆者殺以其邪而害於風俗也禁暴於三凡國聚衆庶則戮其犯禁者以徇凡者以告而誅之如此類與

奚隸聚而出入者則司牧之戮其犯禁者

奚隸註謂男奴女奴疏謂卽司馬入於司隸者

也聚而出入謂有役使也司察也牧治也○明齊王氏曰先王之政令禁戒期民之不犯也而凶頑者明知而犯之甚者奸徒亂政惑衆則王法不行民相率入於邪惡矣此禁暴氏所以設也周禮設官不遺王之宮寢刑官若無與於王宮而司隸掌四翟之守禁禁暴司奚隸之出入先王端本清源之道蓋如此

野廬氏掌達國道路至於四畿比國郊及野之道路宿息非樹此

野廬氏下土六人之職也達通也道路即地官遂人治上有道川上有路之屬四畿四方侯國之畿比校也宿息見遣人井以飲食樹以蕃蔽此首言治道里也若有賓客則令守涂地之人聚榛之有相翔者誅

之榛林同○守涂地之人謂廬旁居民也相翔猶昌翔謂行止不軌者此因言衛賓客也凡道路之舟車暨

互者叙而行之凡有節者及有爵者至則爲之辟○聲謂車轄相

觸互謂交互不通叙者令以次行也爲之辟○聲謂車轄相禁野之橫行者徑踰

者○聲謂車轄相橫行謂橫截田畝而行者徑踰謂射邪從防而凡國之大事比

修除道路者掌凡道禁修修築除開除也亦治之事也道禁註謂若漢法絕業布巾持兵仗之類也亦衛之意

也邦之大師則令埽道路且以幾禁行作不時者不物者幾譏同○埽糞

埽也亦治之事也幾察也行作不時謂動非其時不物謂用非其物亦衛之意也○劉氏曰凡國野之道十里有廬廬有飲食三十

里有宿宿有路室路室有委五十里有候館候館有積數者皆以待賓客師役之屬地官遣人既掌之矣野廬氏則職往來按此而

肅其守衛者也明齊王氏曰觀周官野廬氏之職客雖遠適如由堂階間耳單襄公過陳道弗不可行司里不投館而知陳之將亡

則野廬氏之職廢也

蜡氏掌除飢飢音恣○此序蜡氏下士四人之職也凡國之大祭

祀令州里除不蠲禁刑者任人及凶服者以及郊野大師大賓客

亦如之蠲之言蠲也刑者謂刑官以下任人謂任勞辱者凶服謂服衰經者祭祀在廟墮而除禁及郊野者凡以避不恭違

不祥也首節正言其事此推言其類也若有死於道路者則令埋而置楬焉書其日

月焉縣其衣服任器於有地之官以待其人縣縣同○楊者削木

謂死之口月有地之官若閭胥里宰之屬註謂若今鄉亭也書且

懸於此者使其官守掌之而待其親屬物色之也此又詳言其法

也掌凡國之讎禁禁即月令孟春掩骼埋骸之屬稱凡者廣舉之

有枯骨遺棄尙待設官以除之哉然其無主後而死於道者亦未

必無也有是事而不為收掩則傷君之仁無是事而懸是官則仁

於枯骨之意亦益然形於天下矣愚按月令埋骸言其仁也周官

除骸言其肅也除則埋之二者蓋並行不悖而義則各有取與

雍氏掌溝瀆滄池之禁凡害於國稼者春令為阱獲溝瀆之利於

民者秋令塞阱杜獲

此序雍氏下士二人之職也溝瀆見遂人賈而行之謂之瀆高而止之謂之池禁者恐有

壅奔為害也凡害稼者謂禽獸之屬穿地陷獸曰阱設機制獸曰

獲春農事方興故為阱獲以禦獸害為溝瀆以通水利至秋功成

故塞杜以禁山之為苑澤之沈者依山為苑就澤為沈皆利已害

生之也○註曰獲作郭也地堅阱

淺則設柞郭於其中也塞阱杜獲恐其陷害人也書費誓嚴乃獲

敏乃阱是也禁山苑澤沈為其就禽獸魚鼈自然之居而害之也

疏曰註云柞鄂者豎柞於中向上鄂鄂然所以載禽獸使足不至地不得躍而出也沈者謂以藥沈於水以殺魚及水更也平仲王氏曰物出而害苗也則殺之民就物居而加之害也則禁之故曰君子親親而仁民仁民而愛物

萍氏掌國之水禁幾酒謹酒

此序萍氏下士二人之職也水禁者恐津渡之失宜及滂池之妄入也

酒者察其非時若酒誥惟祀茲酒之類謹酒者戒其無節即其德將無醉之意也掌水禁而及酒者酒之溺人猶水也○東萊呂氏曰周公命康叔撫衛作酒誥一篇此是最初禁酒恐人沈酒浸漬傷德敗性及再變如漢文帝為酒誥景帝以歲旱禁民酤酒比之酒誥已無此意矣然猶重木以抑末及三變桑弘羊建榷酒之利公家自專利耳古者惟恐人飲酒後來惟恐人不飲酒也東坡蘇氏曰自漢武至今皆有酒禁刑至流私釀終不能絕周公獨何以禁之曰公無所利於酒也以正民德而已甲乙皆管其子甲之子服而乙之子不服何也甲管子而責之學禁川游者海水謂之游乙管子而奪之食此公所以能禁酒也禁川游者恐其狎而玩之故並禁也

司寤氏掌夜時以星分夜以詔夜士夜禁

此序司寤氏下士二人之職也夜時謂夜之時

刻若今甲至戌也以星分之者漏箭之升降靡定而星辰之出沒  
有常也馮相之屬在春官爲占天而設司寤氏在秋官爲禁夜而  
設故詔夜士以夜禁也夜士主禦農行者禁宵行者夜遊者此夜  
行夜微候若漢法都候之屬目也星未沒日晨更已深日宵自宵至晨通曰夜  
禁者姑禦之禁者嚴禁之也私出曰行案嬉曰遊

司烜氏掌以夫遂取明火於日以鑒取明水於月以其祭祀之明

盥明燭其明水

盥染同○此序司烜氏下士六人之職也夫遂陽

謂之鑒遂之齊言陽遂則知方諸之爲陰言方諸則知陽遂之爲  
陰陰陽者其氣方圓者其體也以太陽之精故取明火月太陰之  
精故取明水於祭取之者欲得陰陽之精氣以致誠潔也供明  
者以明水沃盥盛供明燭者以明火蒸燭又供明水者以明水配  
五齊也明齊郊特牲所謂以明水沈齊也明水則所謂祭齊加明  
水也○易氏曰日爲陽精月爲陰精離爲日爲火爲雷者火之氣  
也坎爲月爲水爲雲者水之氣也水火以氣而升降日月之精薄  
之則夫遂可以召陽而爲火鑒可以召陰而爲水謂之明水火言  
取於日月而非人力所致明之至也王氏詳說曰後鄭謂明水以  
爲玄酒是不讀禮運也禮運云元酒在室醴醑在戶醑醑在室

酒在下。夫豈明水之爲元酒哉。郊特牲云。明水沬齊。貴新也。其醴之明水也。由主人之潔著此水也。以陰鏡取木於川。可多得乎。元酒酌行。滌爲之可也。凡邦之大事。其墳燔庭燎。墳大也。門外曰墳。明水用於洗齊而已。

中春以木鐸修火禁於國中。軍旅修火禁。中。仲同。○修禁說見天

此則以國與軍言也。邦若屋誅。則爲明竈焉。屋誅以下未詳。註曰。屋誅。積如

以適旬師氏。則誅之也。明竈。若今楊頌以木明書其罪著於竈也。

司烜掌明竈。則罪人夜葬與疏曰。屋。謂旬師氏屋舍中所誅。則王

之同族及有爵者也。其刑。則易曲封文竈。曠中也。知罪人夜葬者。

司烜主火之官。司烜主明竈。故知火葬也。曾子問云。夫概見星而

行者。惟罪人是也。明齊王氏曰。凡行刑必於朝市。以警衆。惟宮刑

以下。不可以風。故屋中刑之。謂之屋誅。豈惡風其室周密。故謂刑

者爲下。豈室也。然幽暗則行刑者無以見。故爲之明竈。竈穿穴也。

謂穿屋以需光。若今明瓦然也。愚按註疏。據易象以屋誅爲親貴

者。隱於刑。不明格。豈楊其罪於竈。而不以明格通市。亦隱之意耶。

然司烜掌火。今不言供火。而言書罪。亦贅矣。明齊謂屋誅爲宮刑

以下。以竈室訓之。其義較當。而穿穴需光。亦光明之象。於掌火爲近。宜可從也。



條狼氏掌執鞭以趨辟王出入則八人夾道公則六人侯伯則四

人子男則二人辟同音璧○此序條狼氏下士六人之職也

八人疏謂胥徒克之也○明齊王氏曰凡王出入虎賁氏先後王

而趨在王前後也族賁氏夾王車而趨在王左右也而條狼氏趨

辟夾道則又夾馳道左右而在前矣公則六人誓執鞭以趨於前

人以下在其國及至王國皆然故并著於此凡誓執鞭以趨於前

且命之誓僕右曰殺誓馭曰車轅誓大夫曰敢不關鞭五百誓師

曰三百誓邦之火史曰殺誓小史曰墨凡誓註謂凡祀若戎之屬

也執鞭肅之也命卽誓詞也疏曰誓自尊者主之若月令田則司

徒北面以誓是也誓時條狼氏爲之大言使衆聞知耳僕謂大僕

右謂王之車右馭謂王之車僕轅車裂也關白也大夫受命出師

關以外將軍制之不須復請白餘皆須請白也師樂師也一日大

師也○王先生曰鄭註以凡誓兼軍及祭者蓋以樂師與太史小

史主禮當爲祭也然放大師統統同律以聽軍聲是軍有大師也

大史職抱天時與大師同車小史職凡軍事佐大史是軍有大小

史也刑不上大夫而誓嚴如此軍事以嚴終也甘誓可見矣明齊

王氏曰士師五戒誓用諸軍旅此條專以軍事言也愚按本職主辟之官其有誓承上文出入而言義無專指且味凡字亦賸詞也但車轍及殺之類事尙嚴厲蓋以軍爲主與

修閭氏掌比國中宿互樣者與其國戮而比其追胥者而賞罰之

比音避下同刑罰同○此序修閭氏下士二人之職也宿若宿衛之宿互謂行馬障止人者樣謂木柵警戒人者蓋宿其地爲警備也與給也粥養也國之宿互樣者國給之養若野廬氏令涂地之人聚柝之自食而已追胥見小司徒蓋宿互樣者總校其數以食之而追胥者則校功罪以行賞罰也○按註疏粥養也謂國所游養養卒使之追寇伺盜也此蓋以小司徒職田與追胥正卒養卒即錫作而下文恰有追胥二字故率爲此說與然國衛初非養卒即使強謂之美卒獨不思國中宿互樣者幾何而率合而爲正與美竭作之義哉且卽如此當云與國衛追胥比而賞罰之今空以與其國衛四字懸於而比其追胥者句之上語既無着而與字之下加一其字亦豈復成文義耶其誤不待言矣禁徑逾者與以兵革趨行者與馳騁於國中者甲以趨見野廬氏但野廬言此言國也持兵被邦有故則令

守其固互唯執節者不幾

幾譏同○守固互以防奸也  
唯有節者乃不譏明皆譏矣

冥氏掌設弧張為阱獲以攻猛獸以靈鼓毆之

此序冥氏下士二  
人之職也弧弓弩

之屬張凡罕之屬猛獸虎豹之屬祭社鼓曰靈鼓毆之使驚趨也

○明齊王氏曰猛獸非人所能敵貴以不見取之弧張阱獲皆然

此官所以稱冥氏也寇賊亦有猛而難攻者故兵法云若得其獸

形人而我無形取其不見掩其不備亦禦之之一道也

若得其獸則獻其皮革齒須備稱若得者猛獸有不得之道也須領下須也

齒須皆備以獻也

按二說鄭謬為安

庶氏掌除毒蟲以攻說禴之嘉草攻之

禴音膽註讀作漬○此序  
庶氏下士一人之職也庶

猶除也去也毒蟲能蠱壞故除之也攻說見大祝禴亦除也讀作

漬謂散也嘉草謂藥物或云即甘草也攻謂燒也疏謂禴之去其

神攻之去凡毆蠱則令之比之令便比校也凡攻蠱使人毆之而

其身也凡毆蠱則令之比之其人眾又校比之也○劉註曰凡

能毆蠱者隨其方土各有能者人有病

焉則呼而用之既用乃校其優劣也

穴氏掌攻鼯獸各以其物火之

此序穴氏下士一人之職也鼯獸熊羆之屬穴居如鼯也以物火之

者謂燒熏其所食之物以誘之也

以時獻其珍異皮革

珍異皮革如熊羆之皮及熊羆之類

翟氏掌攻猛鳥各以其物為媒而擒之

擒音已○此序翟氏下士二人之職也翟即羽翮也

猛鳥鷹隼之屬凡取者誘致以小鳥或以其類所謂媒也擒者擒足於翮中也

以時獻其羽翮羽翮全羽為翮

○鄭語曰獻者凡以利用非是則不獻也介甫王氏曰諸官非特利其皮革羽翮之屬而已孟子云鳥獸之害人者消然後人得乎土而居之蓋亦除害之義也

柞氏掌攻草木及林麓夏日至令刊陽木而火之冬日至令剝陰

木而水之若欲其化也則春秋變其水火

此序柞氏下士八人之職也攻治也柞氏攻木

兼云草者疏謂攻木之處有草兼攻之也刊剝皆謂欲去其次地之皮也又火之木之者使其鮮不生也化謂化而為土也變猶易也夏所火秋則水之冬所水春則火之則土和美也等見地官虞衡○王氏曰木生山南為陽生山北為陰其氣既偏勝矣又因至

陽刊而火之至陰剝而水之則不復生矣不勝陰陽之盛氣故也  
明齋王氏曰欲殺之者夏刊陽冬刊陰以推其性也欲用之者冬  
斬陽夏斬陰以堅其質也臨川王氏曰先王之於林麓欲其足民  
材用則爲厲禁以養蕃之虞衡是也欲其宅民稼穡則刊剝而化  
之柞氏是也詩云柞氏斯拔松柏斯斲則虞衡之職修也柞氏之職修也  
凡攻木者掌其

政令政令謂教民之政令說見下職

薙氏掌殺草春始生而萌之夏日至而夷之秋繩而芟之冬日至

而耜之若欲其化也則以水火變之

繩讀作孕○此序薙氏下工

者皆其事也去其萌曰萌猶艾草而曰草也夷傷也又平也謂以  
鎌迫地而刈平之也含實曰繩芟者滅其種耜者去其根也變陰  
上職之變月令季夏燒薙行掌芟殺草之政令明齋王氏曰掌殺  
木利以殺草如以熱湯是也草者薙氏主爲公  
家殺草也掌芟殺草之  
政令者教民各爲之也

薙族氏掌覆天鳥之巢

覆音福天妖同○此序薙族氏下士一人之職也若之言摘族之言東覆者掩而覆

之也。天鳥陰陽邪氣所生，註謂鴞屬之類。劉氏謂若鬼車之類也。以方書十日之號十有二辰之

號十有二月之號十有二歲之號二十有八星之號，縣其巢上則

去之。縣懸同。○方版也。十日自甲至癸，十二辰自子至亥，十二月

自陬至涂，十二歲自斯提格至赤奮若，二十八星自角至轸，

去者，鳥自去也。劉氏謂衆神正氣所萃，是以妖邪無所自存也。此

亦覆之意也。○鄭謂曰：若族雖掌覆巢，有不待覆巢而去之之法，

此方板書號是也。丘氏曰：大鳥避此五者，理固有之。蠅忌庚申，燕

避戌巳，虎豹以衝破鵲巢，避太歲以此。親之周公豈欺我哉？平仲

王氏曰：月令命無覆巢者，聖王育物之仁。周官設若族氏者，聖王

誅邪之義。思拔妖鳥之屬，生乎陰陽邪氣，聖王不能感之使不生，

而乃區區以一手足爭之乎？是不然。聖王之世，以順召順，而五行

不相沴，四靈以爲畜者，此體信達順之驗也。若其初或干陰陽以

害天和而務除而去之，亦以政刑輔德禮之義。聖王不廢也。堯舜

在上，不能有十六族而無四凶，必四凶去而後十六族咸濟濟在

位也。故有周禮真氏以下諸官，而後有禮運麒麟畜而

獸不狘鳳畜而鳥不備之驗。二者蓋並行而不悖與。

翦氏掌除蠹物，以攻禁攻之以非草熏之。

禁音詠。○此序翦氏下

士一人之職也。蠹物穿

食器物者除即翦也。及禁凡庶蠱之事。庶猶庶氏之庶除蠱又言庶蠱者蠱亦蠱類今閩人

並見大祝莽草亦藥物也。言寧者蓋庶氏掌之而翦氏又陳之與。

赤友氏掌除牆屋以蜃炭攻之以灰灑毒之。蜃炭上聲○此序赤友氏下士一人之職

也。除牆屋者謂除其虫物也。以下除狸豕推之。此蓋謂不狸之虫。

守宮蜈蚣之類與屋大蛤也。揭其炭以粉之。則走沃其灰以灑之。

也。凡隙屋除其狸蟲。狸埋同○牆屋屋之牆隙屋屋之隙狸虫

蠅氏掌去龍虺於牡鞠以灰灑之。則死。以其煙被之。則凡水蟲無

聲。去上聲。鞠菊同。此序蠅氏下士一人之職也。齊魯謂龍虺為

蠅月。今所謂蠅蟻也。通耿通也。去之者龍虺尤怒鳴貼耳也。牡

鞠菊不華者無聲謂不鳴也。○劉氏曰宗廟之祭祀君臣之齊戒

不禁也。故設官掌去之之法。

壺涿氏掌除水蟲以炮土之鼓毆之以焚石投之。此序壺涿氏下士一人之職也

水虫謂惡虫者。蜮。鱉之屬。炮土之鼓。謂瓦鼓。卽所謂壺也。擊鼓者。作聲。焚石得水。亦作聲。卽所謂沃也。二者皆使其聞而驚去也。若欲殺其神。則以牡棹。午貫象齒而沈之。則其神死。淵爲陵。○神謂妖神。如龍罔象之屬。牡棹。山榆也。午。簡互也。淵爲陵。甚言淵不爲害也。○王氏曰。山榆爲幹。縱橫以象齒貫之。所謂互貫也。沈之水。中則水中妖神感其氣而死。而淵反爲陵矣。聖人所以變化驅除之道如此。夫孰得而測之。夫琥珀拾芥。磁石引針。我鹽豉卵。熊胆分杯。壞漆以蟹。浣錦以魚。散血以藕。皮毀金以羊角。皆出於自然之理也。

庭氏掌射國中之天鳥。

射音石。下同。○北序庭氏下士一人之職也。鳥兼鳥獸而言。散文之通稱。以下文推

之可見。天鳥見若燕氏。天獸若天狐之屬。若族氏掌雷巢。此文掌射者。蓋嚴去惡之義。雖覆且去。見卽射之矣。或曰。二職分掌。亦天有殊科也。若不見其鳥獸。則以救日之弓與救月之矢夜射之。若神也。

則以大陰之弓與枉矢射之。

大音泰。○不見謂闕其聲。不見其形。若青有聲如牛之類。救日月之弓矢。

未詳。司農謂日月食時所造弓矢也。註謂救日食月食之弓矢。日食以射太陰。月食以射太陽者也。又言神者。謂其聲非鳥獸之聲。



若或叫於宋大廟請諸神訓之類大陰之弓即救月之弓枉矢即救日之矢分言之皆互文也救日以枉矢則救月蓋以恒矢與○王氏曰弓矢皆用以救日月則其精氣足以勝天故以此射之按司弓矢職枉矢利大射薛氏謂枉矢狀如流星飛行有光其救日蓋取以陽勝陰之義也○合解曰聖人治天下本諸道化使鬼神受職民物各得其所而已周禮自冥氏至庭氏乃瑱屑至此何耶古者生民之害多矣聖人與民同吉凶之患凡夫獸蹄鳥跡交於中國魑魅魍魎逢其不若皆不可不屏也神降於莘墟蛇鬪於鄭門鳥鳴於宋社鬼哭於齊闕春秋而下猶有之況古之世乎周公之法猶禹驅蛇龍而放之益烈山澤而焚之凡以爲民也夫除物用莽草除理虫用鬚炭除鼃鼃用牡藷除水虫用牡櫟古未有是法也聖人達萬物之理以爲除害之方者蓋如此世儒不務窮理乃謂諸官多可刪是果於非聖人也且難以逐疫而近於戲然周禮及魯論載之古今行之未有以爲非者而獨疑於此哉明齋王氏曰周禮六官皆有育萬物之責天官獸人獸人鼃人之屬掌以時田獸不暴天物也地官虞衡之屬掌山林川澤之政令以長蕃鳥獸草木也春官宗伯以禮樂合天地之化育物之產大司樂一變至六變而致羽羸鱗毛介象之物致中和以作動物也夏官有服不氏射鳥氏之屬則鳥獸之不服者猶馴之而况負固之國乎秋官有冥氏以下十二官凡猛鷲昆蟲與夫托於神奸而爲害

者並加之以誅殛况好惡暴亂者乎分之則生殺異用其曲成之意則一也非聖人其孰與於斯

銜枚氏掌司誦

誦謂同○此序銜枚氏下士二人之職也司案誦誦也

國之大祭祀令禁無

詭軍旅田役令銜枚

枚狀如箸橫銜於口以止誦也祀以無言為敬師田獵服采故禁且今之也禁詭

呼嘆鳴於國中者行歌哭於國中之道者

謂叫同呼去聲○凡聲大而急曰呼高而緩曰

呼嗟而怨曰嘆悲而傷曰鳴四者非正也故禁禁於國中歌哭為正但禁於行道而已皆恐惑眾也○平仲王氏曰周公之時無一民一物不得其所至於不幸悻獨無告而路鼓一鳴雖天下可相告語民生其間而猶有太息愁嘆之聲其所謂不祥之人也與如是而設禁焉亦可也郝氏曰秋正森嚴至於庭氏則鬼神無誕縱者至於銜枚氏則軍國無詭譎者太平之象著矣

伊耆氏掌國之大祭祀其其杖咸軍旅授有爵者杖

咸讀為兩○此序伊耆氏

下士一人之職也伊耆氏始為蜡以息老物故以名官而本官一以敬老為職老臣杖於朝祭則以兩藏之以敬神也不去之而第兩之亦以敬老也若其餘則軍事雖嚴杖必授矣蓋國之大事在祀與戎謹齋慎祓雖聲息不敢動而貴爵尚齒雖跬步不敢忘也

共王之齒杖

齒杖王賜老者之杖也王制五十杖於家六十杖於鄉七十杖於國八十杖於朝賜之以教尊禮也

大行人掌大賓之禮及大客之儀以親諸侯春朝諸侯而圖天下

之事秋覲以比邦國之功夏宗以陳天下之謨冬遇以協諸侯之

慮時會以發四方之禁殷同以施天下之政時聘以結諸侯之好

殷頤以除邦國之慝間問以諭諸侯之志歸服以交諸侯之福賀

慶以贊諸侯之喜致贈以補諸侯之裁

朝音潮職內同此好問並去聲○此序大行人中大

夫二人之職也大賓謂五等之諸侯大客謂諸侯之孤卿大夫士  
禮以本言儀以末言互文也親猶懷也朝宗親遇會同並見大宗  
伯圖者審其事之可否此者按其功之高下陳者發其謀之是非  
陽者合其志之同異發禁謂以九伐之法遏畔逆施政謂以邦國  
之九法布政治此六者皆待大賓之禮也諸侯使大夫來小聘所  
謂時聘曰問諸侯使卿來大聘所謂殷頤曰親禮見以結其好命  
政以除其惡此二者皆待大客之儀也問問謂士問而遣使以問  
諸侯而達其志歸服謂士祭畢饋酢以賜諸侯而行其福賀慶

諸侯有喜則以禮贊之而問其喜致禮謂諸侯有戒則以財補之而問其憂此四者又因言王命使於諸侯之禮也自問事至除膳亦皆互文以司馬法時會以施政殷同以禁禁推之可見蓋時會以餐禁為主亦兼施政殷同以施政為主亦兼餐禁餘皆如之也以九儀辨諸侯之命等諸臣之爵以同邦國之禮而待其賓客九

者公侯伯子男之命有五孤卿大夫士之爵有四其儀凡九也等則必辨爵必有命對舉之亦互文同之言合則其異乃以合其同也此承上申言待賓上公之禮執桓圭九寸纁藉九寸毳服九章客之禮以起下文也

建常九旂樊纁九就貳車九乘介九人禮九年其朝位賓主之間九十步立當車軹擯者五人廟中將幣三享王禮再祿而酢饗禮

九獻食禮九舉出入五積三問三勞纁藻同旂旋同樊讀作盤乘去聲軹音止食音嗣積音悉勞去聲下並同○承上言待上公之禮此九儀之一也九寸謂其長也以五采韋為藻藉其長亦如之九章謂袞冕服一龍二山三華蟲四火五宗藻六藻七粉米八黼九黻也常猶司常之常九旂之通稱諸侯當交龍為旂其垂繡之旂自九以下建者建於路車

也。馬腹帶曰樊，馬鞅曰轡，就之言匣，以五采飾爲九匣也。肅謂也。此以上言器服車旗之等，皆如其命數也。介賓相也。禮謂享後饗饋之禮也。三牲備爲一牢，不言殄積同勞之牢，舉大以該小也。朝位謂大門外王侯朝立之位也。車卽路車，轅末曰軾，損主相也。五人主用命數之半也。將幣卽司儀掌訝所謂及將幣也。享之言獻獻於王，若后者凡三。王皆束帛加璧，后皆束帛加琮，庭實惟國所有也。禮者享畢以絜裸禮賓也。王正裸后亞裸爲再裸，酢酢王也。饗以獻酒爲主，故九獻食以舉牲爲主，故九舉。掌客言饗食與醢此不言燕者，鄭謂饗食皆在廟，燕則在寢，此行禮皆在廟中，故不及饗燕也。出入猶言去來也。積謂路所供牢禮未禾薪芻也。問者問無恙也。勞者慰勞苦也。此以上言損介朝享禮祭之屬，亦以命數爲等也。以下文推之，大國之孤不交損，則五等侯皆交損，孤於廟中無相，則五等侯廟中皆有相，不言者省文也。餘詳春官司常巾車等職。○註曰：朝位謂大門外賓下車及王車出迎所立處也。王始立大門之內，交損三辭乃乘車而迎之，齊僕爲之節也。公立當朝侯伯立當疾子男立當衛則王立當軫與疏曰：親禮記云：偏駕不入王門，偏駕謂王路以下同姓金路異姓象路之屬也。扶親之禮，天子不下堂而見諸侯，不迎賓，故舍路車於館，乘墨車以親。今春朝天子親迎，故得乘金路象路之屬也。薛氏圖曰：凡春朝夏宗侯氏各乘其所愛上幣至庫門之外，王各以禮交損迎之。若

秋觀冬遇侯氏各乘墨車至廟門外陳橫王不迎也愚按註疏及薛氏所論春秋觀車乘橫迎之異禮言皆有據然諸家或謂迎賓於朝後或謂朝於迎賓後既多矛盾而又皆半謂春秋受贊於朝則因鄭氏不明廟中將幣三享六字之義而遂以滋舛也故禮今獨存覲聘二禮其朝禮已亡然覲聘而外今周禮秋官大行人以下諸職及散見於各官與各經者猶皆可攷以經求經等廟所異於秋覲者惟乘路車至大門外及其時當寧以朝橫迎入廟之儀耳至其受贊受享皆在廟中所謂將幣語其受贊三享語其受享也緣以廟中之將幣三享皆誤謂之享而因率謂贊受於朝於是曲禮之朝覲儀禮之覲聘展轉象誤而三禮皆亂矣夫註以司儀合諸侯之將幣訓為享而又以諸侯相賓之將幣訓為贊先已自背安問疏與薛氏國之滋舛哉今歷以大行人以下攷之其將幣皆為受贊而聘禮習幣一展幣三陳幣一凡其言幣皆贊主及享璧之通稱而以贊主為主聘禮使歸反命於君云以君命聘於某君某君受幣於某宮某君再拜此謂正行聘禮之時使者藝執圭入致命公當幣再拜也又云以享某君某君再拜此謂繼行享禮之時使者楊奉束帛加璧享入致命公再拜受幣也聘禮藏此兩再拜其為一受贊一受享亦明矣聘禮於行禮之時則謂受贊為主而受享為幣其於反命之時則謂受贊為幣而受享為享此可見其為首文互文之通例何得以此廟中將幣為受享而

率謂贊則受於朝也。况受贊宜於廟。不宜於朝。歷攷朝儀。有與中外臣民辨大疑決大政之朝。庫門外之外朝是也。有日與其臣視政之朝。應門內之治朝是也。有退而聽政及與宗人嘉事之朝。路門內之燕朝是也。此三朝者。皆不以朝會諸侯。故小司寇朝士射人司士大僕之屬。皆不言諸侯朝見。或偶在朝。則與卿大夫士分序其儀位而已。諸侯朝見之禮。如秋覲冬遇。則朝諸祖廟。戶牖間之辰。以受摯享。今見於覲禮。如春朝夏宗。則朝諸外朝。門屏間之宇。而後擯。巡入廟受贊享。如覲禮。今見於大行人。此皆其常也。其重且大者。如嗣王新立。自五等羣服。達於九采四塞。皆朝諸南郊之明堂。今見於明堂位。十二年而時巡。朝諸五嶽之明堂。今見於職方及孟子。或有故而大會同。其朝無定所。而特爲壇。今見於司儀及覲禮記也。掌訝職云。及將幣。爲前驅。至於朝。詔其位。入復大史職云。及將幣之日。執書以詔王。蓋廟中將幣之日。掌訝訝至於外朝。佇立之前。而入告天子以見之。舉如司儀令諸侯揖見之儀。然後交擯。迺入於廟。以受其贊享。而大史執書以禮詔王也。若謂廟中將幣三享六字止。爲受享。而受贊則於朝。則以朝中受贊之正禮。何不稱及受摯。爲前驅。至於朝。而反照朝之受摯。言廟之受享乎。大史又何以受贊之正禮。不詔王。而至受享。始詔乎。夫小行人司儀之屬。止稱將幣。無一稱受摯。隨無受享。則言將幣又言三享。而受贊獨畧。無一言之理。而司儀職之將幣。今見於大戴禮之

朝事篇又明云及其將幣也公於上等奠主降拜則將幣之爲受  
章益明矣且擯見朝位當門屏間之字明非正朝受贊之處也而  
註又於曲禮之當字以朝率謂朝在內朝而序進以致薛氏又於  
積連後朝爲治朝受贊之儀此亦論經無其文卽治朝之字亦豈  
得謂門屏間之字乎況以合諸侯之禮例之不應改朝見於擯後  
以諸侯相賓之禮例之又不應預未入廟而中設一朝考春官司  
凡筵云大朝覲王位設黼依依前而都設莞筵緹席次席左右玉  
几蓋廟中受贊享之儀如此若寧則門屏之間而已無所設不見  
於司几筵明非黼依比也夏官道僕掌象路以賓以其見賔如承祭故金  
道故象路謂之道車其齊僕掌象路以賓以其見賔如承祭故金  
路謂之齊車齊禮之車若僕皆名齊不名道則朝宗覲遇之儀其  
受贊受享皆於廟而不於朝又明也然則曲禮天子當寧而立諸  
公東面諸侯西面曰朝之文何也曰是當以三禮之世次攷其源  
流得失也先聖之儀禮周禮經也漢儒之記傳也記文去聖遠多  
異詞如曲禮藉內稱天子建天官先六大曰大宰大史大祝  
大士大卜今周禮自大宰而下無一列於天官註蓋以爲廢禮也  
東面西面之文彷彿於明堂位而文小異其不可以此証春秋夏  
宗之禮也明矣學者不以經求經而妄以臆証經可乎愚懼三禮  
之並亂故不辭辭諸侯之禮執信圭七寸纁藉七寸冕服七章建  
而歷辨之如此



常七旂焚纓七就貳車七乘介七人禮七牢朝位賓主之間七十步立當前疾擯者四人廟中將幣三享王禮壹裸而酢饗禮七獻食禮七舉出入四積再問再勞諸伯執躬圭其他皆如諸侯之禮信申同○又言待諸侯諸伯之禮此九儀之二之三也七章謂諸侯見服自華蟲以下凡七也前疾者轅前胡下垂也一裸者后不裸也諸子執穀璧五寸纁韜五寸毳服五章建常五旂焚纓五就貳車五乘介五人禮五牢朝位賓主之間五十步立當車衡擯者三人廟中將幣三享王禮壹裸不酢饗禮五獻食禮五舉出入三積也五章謂毳毼服自宗裘以下凡五也衡者車前橫木也○隙川王氏曰九十步擯者五人七十步擯者四人五十步擯者三人於諸者舒而纁卑者蹙而累也一裸不酢則有禮而無報若不當焉故也凡大國之孤執皮帛以繼小

國之君出入三積不問壹勞。即位當車前不交擯廟中無相以酒

禮之。其他皆眠小國之君。凡諸侯之卿其禮各下其君二等。以下

及其大夫士皆如之。相去降下同。○又言待孤及卿大夫士之禮。此九儀之六至九也。大國之孤與命上公之

帛豹皮爲禮也。繼者次其後也。不交擯謂不使介傳辭而親對。王指也。無相者介皆入門西向而立。不前相禮也。酒謂齊酒。明不

用鬱也。凡卿各下其君二等者。若公之卿以七。侯伯之卿以五。子男之卿以三也。不以典命之命數者。以攝君也。大夫士皆如之。

者。大夫下其卿士下其大夫各以等爲差也。○疏曰。趙商問其他。眠小國之君是大國之孤以五爲節也。而諸卿各下其君二等是

大國之卿七。次國之卿五。小國之卿三也。不審大國孤五而卿七。何也。曰。卿奉君命則七。介者爲君也。孤尊更自特見。故五介。此有

聘義可泰也。士無介與步數而云其等亦如之者。謂牢禮之數也。

邦畿方千里其外方五百里謂之侯服。歲壹見其貢祀物又其外

方五百里謂之甸服。二歲壹見其貢嬪物又其外方五百里謂之

男服三歲壹見其貢器物又其外方五百里謂之采服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其貢貨物九州之外謂之蕃國

世壹見各以其所貢寶爲擊見音現職內同要平聲擊贊同○諸

也諸貢見太宰九貢但此無幣旂物三貢耳擊則惟以國產貴重

者爲之若越裳白雉而慎格矢是也此因言九服朝貢之節也○

註曰九州之外君皆子男也無朝貢之常惟嗣王卽位及其國父

死子立乃一來叩寶貴爲贊則蕃國之君無執玉瑞者是以謂其

君爲小賓臣爲小客也所寶貴者周書王會傳矣鄭語曰先儒謂

太宰九貢小行人春人貢爲歲之常貢此六服之貢爲因朝之貢

與彼別也余以爲先王之制貢無異法也顧諸經者不深考耳此

行人見與貢自是二事非聯之也侯服歲一見也其常貢則祀物

甸服二歲一見也其常貢則嬪物他服放此安可以爲來朝因有

貢手侯貢祀甸貢嬪之屬亦以內外遠近爲之緩急輕重也黃氏

曰九服已見職方此又見朝節貢物者於此達禮則刑不王則誅

六官所以合治也。三山林氏曰：傳云：上以其祭祀之物使侯服貢之，則上先下後之意，內以其嬪婦之物使甸服貢之，則內先外後之意也。愚按鄭氏誘之說，是正舊誤，然舊註所以有此誤者，蓋以本職貢物與朝見連言，而蕃國亦爲世見時之牲，故誤以爲因朝之貢，而別於小行人春人之常貢也。愚向未見誘說，已力辨其誤。今并詳錄於左。夫蕃國無常貢，而舉其饗贊，猶瑞之意，非貢類也。若祀嬪以下六貢，並見於大宰所不具者三而已。豈有貢之有常者，令其入此而無常者，又令其入此之理哉？朝之時，有四方之幣，與其獻，今見於大宰內府，并小行人諸職，幣有六，謂其常幣、覲禮、云三享皆束帛加璧是也。獻則特獻而無常之稱，覲禮云庭實，惟國所有是也。夫謂之惟國所有，則朝之時無常貢明矣。故知此六者，卽小行人春入之常貢，而非因朝之謂也。然則六者既爲常貢，獨視大宰少幣，旂物三者何也？此正聖人之德之至也。幣貢視嬪，貢視貢爲貴，而旂物貢視祀器材貨之屬尤難。此三者蓋六服於朝見之幣，獻或蕃國於特見一及之而已，不爲常制以勤侯也。若必以此六貢爲因朝之貢，而大宰九貢爲小行人春入之常貢，則不識六者之外，其幣旂物三貢將又以令何服乎？旣不可於蕃國之三服，令以爲常貢，而以分令六服義尤難通。故愚嘗辨其率也。此義不明，而禮器之大序，郊特牲之旅幣，釋亦多誤。三禮亦皆亂矣。分貢之義，鄭林諸說近之，或乃以禹貢州無定產而周官服

有定物爲疑則此六者皆非不恒有之物乃職方氏所謂施貢各以其所有者何嫌於其有定也而疑之哉王之所以

撫邦國諸侯者歲徧存三歲徧類五歲徧省七歲屬象胥諭言語

協辭命九歲屬瞽史諭書名聽聲音十有一歲達瑞節同度量成

牢禮同數器修法則十有二歲王巡守殷國上聲星上聲屬音燭胥

類視省察也已問之又視之又察之此三者所謂問問皆王遣使

諭其志而已無他事也屬猶令也告也象胥卽行人之屬其職傳

王之論說協實之辭言瞽謂樂師其職察五音之和史謂外史其

職同六書之名此三者皆設官有專職而大行人因問問而令行

之也六瑞六節見下節牢禮見掌客數器見合方氏法謂八法則

謂八則達通成平也此數者爲王將巡狩殷國而大行人與各職

以此齊之且亦問問之意也殷之言衆士巡守殷國所謂天子適

諸侯曰巡守也若不巡守殷國而殷國來會則所謂殷類曰同也

舊因職方氏誤殷同之字爲殷國而因以經中巡守殷國四字分

爲巡守與殷同之二禮殊失名義且考掌客職云王合諸侯而發

禮則具上有二牢是乃衆類曰同之禮又云王巡守殷國則國君

燕以牲犢是乃天子適諸侯曰巡狩之禮則巡狩殷國四字其爲

專指巡守無可疑者乃以職方之字誤而誤分四字爲二凡諸侯  
禮因使各職之滋誤也可乎此特言天子撫諸侯之制也  
之王事辨其位正其等協其禮實而見之若有大喪則詔相諸侯  
之禮若有四方之大事則受其幣聽其辭賓劉氏作指○王事謂  
若今諸侯爲會同則司儀掌之也位謂朝立之位等謂服物之等  
禮謂揖讓之禮猶相也大宗伯爲上相此次相也大事謂冠  
之屬凡告事亦以幣將敬聘禮如有言則以玉帛是凡諸侯之邦  
也聽者審聽以告於王也此中言王待賓客之儀也  
交歲相問也殷相聘也世相朝也邦交謂交隣國也小聘曰問每  
也久無事三年使卿一聘且享也世謂嗣世也古卽位親相初也  
此因言諸侯相親之制也○疏曰諸侯邦交謂同方獄者相交也  
一往一來爲交大國聘於小國小國朝於大國敵國則自若自相  
往來司儀諸公以下皆言相爲賓是也至春秋有越方獄相聘者  
秦使術來聘吳使札來聘非正法也王先生日春秋時晉叔向謂  
間朝以講禮是三年一朝也而鄭子大叔則以爲五歲一朝益秦  
火未作而周之典籍強諸侯皆以爲不便而去之耳叔向爲晉地  
則欲諸侯朝數之數子太叔爲鄭地則欲諸侯朝數之疏法周禮

遠矣。去閭呂氏曰：聘義云：天子制諸侯，比年小聘，三年大聘，相厲以禮，則外不相侵，內不相陵。此天子所以養諸侯，兵不用而諸侯自爲正之具也。夫上下不交，則天下無邦。人道所以不能羣也。先王之取諸侯，使相交以修其好，相敬以全其交，多爲升降之文，以酢之節，以養其德意，故不安於愉情而安於行禮，不恥於相下而恥於無禮，則忿爭之心暴慢之氣無從而作。天子以是養諸侯，諸侯以是養其士大夫，上下交相養，兵所以不用而天下平也。

小行人掌邦國賓客之禮籍以待四方之使者，令諸侯春入貢秋

獻功，王親受之，各以其國之籍禮之。

使去聲。下同。○此序小行人下大夫四人之職也。禮籍謂

禮節降殺之書也。此通言賓客也。使者謂邦國使其卿大夫入貢與使之獻其功也。此言客也。○註曰：貢者，六服所貢功則考績之功也。秋獻之者，若今計文書斷於九月，其舊法也。劉氏曰：春入貢者，謂天子所食列國之貢，冬成而收之，春而入也。秋獻功者，區事於春而比功於秋也。凡諸侯八王，則逆勞於畿及郊，勞厭館將幣爲承而損勞並去聲。○入王猶商雒之來王，卽上職所稱王事也。厭館猶下職致館，厭者親館之可，否致者致使有之也。畿勞，小行人親

爲之若大行人之郊勞卿之教館賓之將凡四方之使者大客則

幣則小行人皆爲其承續也此言賓也損小客則受其幣而聽其辭大客疏謂要服以內之使小客謂蕃

事也此又使適四方協九儀賓客之禮朝覲宗遇會同君之禮也

言客也存煩省聘問臣之禮也使如字朝音潮○上言臨事之待以禮此

曰此以下皆使適四方之事也朝覲以下六者諸侯親朝於天子

此卽賓之禮稱君者請君侯也存煩省三者天子使撫其諸侯聘

問二者諸侯使聘於天子此皆客之禮稱臣者謂使達天下之六

節也必使往協之者嚴必彼此相合和而後可行也節山國用虎節土國用人節澤國用龍節皆以金爲之道路用旌

節門關用符節都鄙用管節皆以竹爲之達卽大行人達瑞節之

法式以等齊之也以金若竹猶漢之銅虎符竹使符地官掌節本

王朝言之此自侯國言之也不言掌節諸守節及貨賄用璽節者

與行人無與也都鄙獨用管節者其罰降也成六瑞王用珽圭公用桓圭侯用信圭伯



用躬圭子用穀璧男用蒲璧

璜鎮同信申同○六瑞即大宗伯以六瑞等邦國是也威平也用猶執也

疏曰此亦使適四方之事首舉璜圭因言之也六瑞掌之典瑞諸侯受命已得之小行人直平知得失而已不令別作法式以齊也

合六幣圭以馬璋以皮璧以帛琮以錦琥以黼璜以黼此六物者

以和諸侯之好故

好去聲○六幣通謂朝聘享侑之幣也合之言配也說首曰圭半圭曰璋璧圓而中虛琮方而

八面虎形曰琥半璧曰璜皮謂虎豹之皮帛者繪之通名朱白色後加采色亦名帛錦者繡之別名木五色後雜數色亦名錦刺五

色謂之黼黑白間謂之黻六物即六幣王氏曰以將成謂之好以因事謂之故合六物以享若侑所以和而無乖也○疏曰此亦小

行人適四方協合之也圭以馬璋以皮木非幣以川之當幣處故總號為幣也玉人云璧琮九寸諸侯以享天子聘禮云享君以璧

享夫人以琮覲禮云侯氏川璧諸侯以享天子聘禮云享君以璧其相享皆川璧琮也玉人言九寸者據此公而言不言享后省故

也玉人言珠琮八寸諸侯以享夫人明享諸侯用璧亦八寸皆於享王一寸也黃氏曰註疏家引聘禮諸侯相享以璧享夫人以

琮又引覲禮諸侯享天子束帛加璧皆有據但此係為禮合如所謂二王後享王用圭璋其與諸侯相享乃退用璧琮子男享王

所謂二王後享王用圭璋其與諸侯相享乃退用璧琮子男享王

用璧琮其與諸侯相享則退用琥璜皆難信也易氏曰謂三王之  
後享王用圭璋諸侯則享用璧琮則典瑞言琬圭璋璧琮以類勝  
諸侯固得而通用之非止二王後矣又謂子思於諸侯享用琥璜  
則聘享之禮未有專言琥璜者禮器云琥璜爵又非子思所專用  
以爲享者也經無明文可臆揣乎劉氏曰九儀既正乃達六節以  
爲門關之符乃成六瑞以通朝聘之信乃合六幣以致享獻之誠  
然後禮樂行燕享舉諸侯之和好出也愚按六瑞六幣所川通王  
侯而侯朝享於王爲大王問享於侯次之今言和諸侯之好故不  
言天子者不敢以和加於天子且不敢匹至尊也註稱六幣所用  
廣氏易氏之駁慎矣今歷以三禮考之王侯享禮以璧帛琮錦爲  
正親禮享王皆束帛加璧聘禮享侯束帛加琥享夫人玄纁加琮  
是也其主以馬璋以皮之屬親聘二禮皆無成文可考止有或言  
馬或言皮之文今考親禮兩言馬不及皮一云匹馬卓上九馬隨  
之中庭西上又一云以馬出授人九馬隨之蓋親享主川馬則言  
馬也又考聘禮八言皮而兩及馬其始受幣云加束帛玄纁於皮  
上馬則食幣其前註謂聘享主用皮或時川馬也其享時又云庭  
實皮則攝之入設也又云賓升致命張皮又云士受皮者坐攝皮  
又云公授宰幣皮此卽所謂主用皮也記又云皮馬相間可也註  
訓間爲代君子不以所無爲禮二者可以相代也此卽所謂或時  
用馬也由是觀之凡享庭實旅百以馬若皮先之而所謂圭以馬

璋以皮之正。文未之見也。惟記禮器篇有圭璋特琥璜爲之文。圭璋在六幣配。以馬若皮而註稱馬若皮不升堂。故圭璋謂之特達。此乃圭以馬璋以皮之證。而記亦未指爲享幣也。然則周官與禮器圭璋之文果何耶。今體究其義。蓋六幣乃朝聘享脩之總稱。分言之則正行朝聘之圭璋爲瑞信。繼行享之璧琮爲享幣。統言之皆爲幣。故儀禮於執圭行聘曰某君受幣於某宮。則聘圭璋亦謂之幣。初非以圭璋爲享幣也。皮馬本與朝聘之圭璋合而爲幣。祿皮馬不升堂而圭璋特達。故皮馬遂爲享幣先。而註不明此義。誤以聘圭璋爲享幣。又見儀禮諸侯享王與其相享無圭璋行享之禮也。則遂臆揣爲二王後享王之禮耳。其解琥璜之誤亦然。王之饗侯與侯之相饗皆以幣。將酬爵而以琥璜將幣。故謂之琥璜時。其非子男享諸侯所用又明矣。註亦誤以爲享幣而儀禮又無其文。故又臆揣爲子男之享諸侯也。三禮若國札喪則令賻補之。若多逸而其可考者如此。故謹據而明之。

國凶荒則令賻委之。若國師役則令槁贈之。若國有福事則令慶

賀之。若國有禍災則令哀弔之。凡此五物者治其事故。槁當作槁。誤文也。○

國謂諸侯之國。郝氏曰勞事曰槁。助用曰贈。從稱曰慶。加物曰賀。哭死曰哀。悲生曰弔。五物卽賻補以下事故。如札喪以下。○疏曰

大宗伯曰禮有五此喪禮荒禮弔禮贈禮皆具焉無恤禮哀冠者於師役猶贈中兼之也嘉禮有六此惟見慶賀一者其飲食冠昏賓射饗燕之法皆當國自行非是相交通之物故也王氏曰先王於諸侯分土以守分民而治尺地莫非土一民莫非民也故雖有內外而休戚若一此轉補諸禮所以掌於小行人也及其萬民之利害爲一書其禮俗政

事教治刑禁之逆順爲一書其悖逆暴亂作惡猶犯令者爲一書

其札喪凶荒厄貧爲一書其康樂和親安平爲一書凡此五物者

每國辨異之以反命於王以周知天下之故

樂音洛○猶註謂圖也利害將與除之逆

順將廢讓之悖逆以下將討正之札喪以下將寬恤之康樂以下

將褒嘉之故書之也五者各一書卽所謂辨異也反復故事也○

疏曰此總陳使適四方所採各各條錄爲書以報上也首二條書

惡俱有故利害順逆並言之悖逆一條專陳其奸宄札喪一條專

陳其凶禍康樂一條專陳其安泰是方以類聚物以羣分也王氏

曰四方之遠事物之變非巡行不能徧究也先王以天下爲一家

司儀掌九儀之賓客擯相之禮以詔儀容辭令揖讓之節

相去聲此序

司儀上中士二十有四人之職而總舉之也傳命謂之擯贊證謂之相擯相同實異名各有其儀容辭令揖讓之禮節而司儀主邦之也賓客該王侯卿大夫凡朝聘之屬下文言諸侯會同於王及其相為賓客之禮而不言朝宗親遇類聘於王者大小行人職互見將合諸侯則令為壇三成宮旁一門此以下首言王合諸侯之諸侯以命事則立壇於國外凡三重其外壇土為宮四旁各為一門親禮為官方三百步四門壇十有二尋深四尺是也此言未朝前之營位也○王氏詳說曰古者天子巡守諸侯入朝皆為壇其上加方明焉祀之為盟尸也親禮祀為壇各因其方又大戴禮朝事之儀天子帥諸侯朝日於東郊退而朝諸侯是朝親皆有壇也此合諸侯為壇乃大會同之禮所用有事而會不協而盟是也巡守壇亦如之但朝會壇於國門詔王儀南鄉見諸侯土揖庶姓時之外巡狩壇於方嶽之下耳

揖異姓天揖同姓鄉去聲○揖者定其位也親禮諸侯上介各奉其君之族置於宮如明堂之位王乃揖而定之也下手揖曰土揖平手揖曰時揖舉手揖曰天揖同姓王之宗室異姓王之嫺親庶姓則泛言衆姓而已此言將朝時之辨儀也

及其擯之各以其禮公於上等侯伯於中等子男於下等其將幣

亦如之其禮亦如之

擯者王既揖而設擯以升諸侯即覲禮記四傳擯也等謂成之等也見以土時天之三揖

以尙親而擯以上中下之三等以尙爵也將幣謂諸侯既見而進幣即覲禮記奠圭於纁上也不言享者舉大以包小也大戴禮朝事篇云及其將幣也公於上等所以別貴賤序尊卑也奠圭降拜升成拜明臣禮也奉國地重物而獻之明臣職也舉此推之則將幣爲受幣而註誤以爲受享益見矣禮即其王禮祿酢也自擯見而將幣而裸禮凡皆以爵等差之也此正言朝時之辨儀也王燕則諸侯毛

燕毛猶言序齒朝尚燕尚年也此又言既朝後之辨儀也

凡諸公相爲賓主國

五積三問皆三辭拜受皆旅擯再勞三辭三揖登拜受拜送王君

郊勞交擯三辭車逆拜辱三揖三辭拜受車送三還再拜致館亦

如之致殮如致積之禮

積音悉勞去聲下並同○此以下傳言諸公相爲賓之禮也相爲賓者謂敵體相朝

也宿則有積闕則有問皆使大夫致之行則有勞皆使卿致之賓三辭示讓也不言登受於庭也旅陳也賓介九人使擯三人直陳

積不傳詞尊賓也此以上統言積問也再勞謂始勞在境次勞在遠郊也三揖辭且揖也受勞在堂故言登勞禮重於積問故又拜送使也至郊主親勞明再勞皆代主也介九人摺五人交相傳辭是為交摺明辭也賓三辭乃乘車出迎若遠就然既見則下車拜謝主君之辱又三揖三辭乃拜受也既去賓又車送主君還辭者三賓乃再拜以送此以上傳言勞也亦如之者承郊勞而言也致館主親致如郊勞之禮其致殮小禮則大夫及將幣交摺三辭車致如致積之禮此以上約言致館致殮也逆拜辱賓車進答拜三揖三讓每門止一相及廟帷上相入賓三揖三讓登再拜受幣賓拜送幣勿事如初賓亦如之及出車出三請三進再拜賓三還三辭告辟致饗餼還主饗食致贈郊送皆如將幣之儀相去聲下同受俗誤作授從鄭註定作受賓從註讀作俄辟避同食音嗣下並同○將幣指授聲而言也偏言之瑞為贊幣為享專言之則瑞贊為正幣餘幣特以享而已詳見大小行人各職及本職第四節交通也逆迎也賓車至大門主交摺以迎賓三辭迎而主車出迎拜賓之辱然後賓車前進而答拜也止之言番猶後也主賓在大門相去九十步主三揖賓前入而

賓三讓自入大門東至五廟都宮之門以次入廟廟之門凡三入  
門每止其一相也蓋若入門相皆相隨但兩君獨相親相稍絕行  
在後若止者然及祖廟惟上相入詔禮而其餘蓋餘人矣受幣謂  
主也賓與主揖讓登階主拜受贊於階而賓拜送贊於西階也  
每事如聘禮享及若有言之屬上於下曰贈餼者曰饋謂以幣享  
主君及以幣有言及以幣饋賓皆如其拜受拜送也告辭即投壺  
盤旋曰辟之辟也謂賓出而主以車出送主再拜請客就車每  
次請則車一進若遠送然而賓則每次一還一辭曰避其拜也此  
以上折言之爲將幣爲享爲若有言爲饋饗言之皆爲將幣之儀  
也小禮曰飧大禮曰饗饗饗謂熱饌謂生也還主謂賓進主爲饗  
而主於禮畢還之也饗謂饗禮九獻食謂食禮九舉致贈者贈以  
財郊送者送至郊也此以上饗與食主皆郊賓於廟其餘則就實  
於館而主爲賓賓爲主矣故其儀皆如將幣之交饋辭饗而入出  
也以聘禮推之饗食之後乃還主還主之後又當館賓以大行人  
賓出入及下文國客行推之郊送之時又與賓之拜禮拜饗饗拜饗  
復當致積蓋其儀不如將幣故文不及與賓之拜禮拜饗饗拜饗  
食賓繼主君皆如主國之禮拜饗饗拜饗與食謂賓將去而至朝  
繼猶答也謂主君郊勞致館致饗饗還主致贈郊送之屬賓饋諸  
主以玉帛皮馬亦如主之禮賓也此言賓繼主君之禮皆備也言



侯諸伯諸子諸男之相爲賓也各以其禮相待也如諸公之儀此

言侯伯子男相爲賓之禮也侯伯以下雖各視命數爲等若其儀則與諸公同也諸公之臣相爲國客則

三積皆三辭拜受及大夫郊勞旅擯三辭拜辱三讓登聽命下拜

登受賓使者如初之儀及退拜送致館如初之儀實讀儀○此以下傳言諸公之

臣相爲國客之禮也相爲國客者君敬體而其臣代聘也止言三

積降於君之五積且三問止言三辭拜受亦降於旅擯也止言六

夫郊勞旅擯降於君之三勞且親郊勞而交擯又言登聽命下拜

登受更降於君之三掛三辭拜受矣使勞賓用束帛實饋使用束

錦其儀如勞賓之拜受而及退拜送又降於君之車送三還也致

館之儀亦如郊勞之使大夫而不親致而其雖又設之而不使大

夫致凡及將幣旅擯三辭拜逆客辟三揖每門止一相及虜惟君

皆降矣

相八三讓客登拜客三辟授幣下出每事如初之儀及禮私而私

獻皆再拜稽首君答拜出及中門之外問君客再拜對君拜客皆

而對君問大夫客對君勞客再拜稽首君答拜客趨辟致饗饌

如勞之禮饗食還圭如將幣之儀將幣旅賁降於君之交賁其主拜逆而客避亦降於君之車趨

拜辱而答拜也言三揖不言三讓及言三讓不言三揖皆賁文入

廟之時臣相不入惟君相入降於君之一相入其主拜而客必三

避投幣而客即下出皆降於君之交相拜也如初者如其拜答趨

辟也禮者主君以醴聘之不用鬯也私面對正聘而言聘禮所用

客奉束帛請說也私獻對享禮而言所謂客奉獻將命也凡其拜

答趨辟之儀各皆從降而至此始親問勞亦降甚矣如勞者如其

賓辭登受也如將幣猶如初也○疏曰聘禮見於君謂之說見於

鄭謂之面註乃以私面為私觀者彼文兩見則私觀嫌君私面嫌

鄭此文不見有私觀直言私面明此私面乃主於君也註又云問

君曰君不恙乎對曰使臣之來寡君命使臣於庭問大夫曰二三

子不恙乎對曰寡君命使臣於庭二三子皆在勞客曰道路悠遠

客甚勞勞介則曰二三子甚勞凡此未知鄭君所出何書或曰是

孔子聘問君館客客辟介受命遂送客從拜辱於朝明日客拜禮

之詞也

賜遂行如入之積朝音潮○君館客者客將去就館省之也客避介受命者客不敢當也遂送者遂拜以送客不

更郊送也客從拜辱矣又拜禮賜者所謂三拜乘命於朝也凡侯  
明拜饗餼拜饗食而外雖小無不識矣言禮不言禮蓋省文凡侯  
伯子男之臣以其國之爵相為客而相禮其儀亦如之此則言侯

臣相為國客之禮也凡四方之賓客禮儀辭命餼牢賜獻以二等從其爵而

上下之

即大行人卿禮各下其君二等其大夫士亦如之是也

凡賓客送逆同禮

送逆註謂郊勞郊送

之屬王氏曰來則逆之而有問勞去則送之而有贈送非始勤而終怠也

凡諸侯之交各稱其邦而為

之幣以其幣為之禮

撫去聲○幣稱其邦謂享幣庭實之屬各視其國之大小以為幣路殺幣為其禮開贈用束

紘禮用玉帛乘皮及贈如觀幣之類各以來幣之隆殺為隆殺也

凡行人之儀不朝不夕不正其

主面亦不背客

朝夕猶言東西主客看言南北也註曰謂相傳詞時不正東向不正西向常視賓主之面都傳

向之而已疏曰不正其主面則亦不肯客謂其隨機旋轉不常厥處也○王氏曰邦國之君臣相為賓客先王設官問勞贈送物為之數拜揖辭受事為之節此邦國所以相親也觀春秋時一言不酬一揖不中而兩國為之暴骨使守周官之法豈有是哉後漢王

氏曰先王之儀制惟周文質兼賡攷九儀布在六典大宰取貴富以爵祿小宰聽祿位以禮命大司徒以儀辨等大司馬正儀辨位而其命秩則掌於春官儀制則掌於秋官者蓋出爵賜命萬然如春以昭王仁序爵秩禮肅然如秋以肅國憲與大儀之別雖九而儀之總不過五約之則三而已典命諸侯有九儀諸臣有五命而孟子王制爵皆五等此卽武成之列爵惟五也司服有公之服侯伯之服子男之服穿客有公之禮侯伯之禮子男之禮行人首叙上公而叙諸伯如諸侯叙諸男如叙子司儀贊見亦爲壇三成攢三等此卽武成之分土惟三也以九爲數故詳而難素以三爲等故簡而易明後世班爵去籍而益蕩然矣魯昭習義君子不謂之知禮趙簡子問儀太叔力辯其非禮其有以也故曰禮儀三百威儀三千待其人而後行

行夫掌邦國傳遽之小事媿惡而無禮者傳去聲○此序行夫下

傳遽也遽謂遽令猶今乘傳騎驛也媿福慶惡凶喪也無禮疏謂無攢介而單行也朱氏謂瑣事禮儀所不載也按二說不同朱氏爲比其使也必以旌節雖道有難而不時必達使難並去聲○其合比其使也必以旌節雖道有難而不時必達使謂行夫爲使也難之言阻謂關禁阻塞極互夜禁之屬早暮必達以有旌節且遽令也居於其國則掌行人之勞辱

事焉句使則介之

焉故書作夷司農讀夷使爲句註作夷餐聲按文義焉如字連上爲句故書誤改也使法聲○

介爲之介也出入皆贊行人以勤敏也

環人掌送逆邦國之通賓客以路節達諸四方

此序環人中士四人之職也通賓客

註謂以事往來相通者疏謂朝覲會同之屬也路節卽旌節也舍則授館令聚橐有任器則令環

之館謂侯館令聚橐者今野廬氏也任器賓客凡門闕無幾送逆

及疆送逆賓客或近郊或遠郊有不及疆者也按環人取闕環保

護之義故名環人而夏官環人軍旅爲重秋官環人賓客爲重其

義皆一也或乃謂有任器則環疑其或如楚人衷甲荀息假道之

者哉觀前後皆以送逆爲言蓋爲之備而自備者不待言耳

象胥掌蠻夷閩貉戎狄之國使掌傳王之言而諭說焉以和親之

使去聲○此序象胥每翟上中下士十一人之屬也蠻夷以下卽賦方氏八蠻四夷七閩九貉五戎六狄所謂蕃國也國使註謂蕃

國遣聘於王也。論開論說解說也。謂蕃國使至而宰其禮。且以王言傳諭令親而不隔也。一謂王命使於蕃國也。其職掌於蕃國為使而又於凡王言諭使和親也。按二說不同。後說為正。小行人掌使四方以和諸侯。而象胥掌使四塞以親諸蕃耳。餘詳下文。若以時入賓則協其禮與其辭言傳之。凡其出入送逆之禮節。

帛辭令而賓相之。

賓相之賓讀為賓相去聲下同。○人賓所謂蕃國世一見也。協其禮猶大小行人之協禮協其辭言亦猶大行人之協辭命。但彼以諸侯言此以凡國之大喪詔蕃國言也。大行人賓相諸侯故此亦賓相蕃國矣。凡國之大喪詔

相國客之禮儀而正其位。凡軍旅會同受國客幣而賓禮之。用客

通指諸侯之使也。劉氏謂專指蕃國之客也。按小行人大客則據故此於小客詔相而賓禮之。王平仲謂象胥專掌蕃國劉說為合也。註誤以首節國使為蕃國之使。因以此節國客為凡諸侯之使均失之矣。凡作事王之大事諸侯次

事卿次事大夫次事上士下事庶子。

凡作事通謂王有事於蕃國而作諸侯卿大夫之屬以事

之也。王之大事謂王征討其國次事以下如威讓之令文告之辭之屬諸侯執其大事卿以下通職其次事言卿上該公孤言上士

下包中下士也。○明齊王氏曰：自彼言曰終正，自此言曰入賓，亦不臣之意也。蕃國之人，其拜揖進退，與夫言諾辭命，皆不同於中國。故象胥爲之和，協其禮與辭，使此不失禮，而彼得以少進乎禮。大行人九歲屬象胥，諭言語，協辭命，凡列國之語言文字，皆當正於象胥。此不言者，文互見也。愚按：先王之於四譯，也不貪其無用之地，不貴其難得之貨，其朝貢也，接之以禮，待之以誠，如是而已。而尚不無有事於軍旅者，其或冠邊方之地，則逐出之，又或侵內附之國，則聲援以遏之耳。豈必窮追極討，耗喪民人如漢武以下之所爲哉？詩云：薄伐玁狁，至於太原。此周公之法與。

掌客掌四方賓客之牢禮餼獻飲食之等數與其政治。

此序掌客上下士大

人之職而總舉之也。牢，禮以下猶天官牢。夫言牢，禮委積膳獻，飲食賓賜之始，率與陳數也。等數，謂辨其分政治，謂理其事。

合諸侯而饗禮，則具十有二牢，庶具白物備。諸侯長十有再獻。

長

○諸侯通謂五等諸侯，其長謂九命作伯也。十二牢，十二獻，其禮未詳。註曰：享諸侯而用王禮，十有二牢之數者，邦彞在是，兼享之，莫適用也。疏曰：合諸侯，故用十二牢。若單享一國，則軍用太牢也。愚謂通言享諸侯，蓋二王後亦在其中也。庶具，謂庶羞之具百。

物極言之也。十二牢十二獻之屬以寵伯長。獻公侯以王巡守殷  
下亦各如其命數耳。此先言時會殷同饗禮之等數也。王巡守殷  
國則國君膳以牲犢。令百官百牲皆具從者三公。祗上公之禮。卿  
祗侯伯之禮。大夫祗子男之禮。士祗諸侯之鄉禮。庶子當祗其大  
夫之禮。王去聲。○巡守殷國說見藏方大行人祗此等皆也。與命  
一命爲侯伯。故各視之下。放此。此特言巡守膳禮之等數也。○王  
氏曰。諸侯之膳。天子同上。同乎帝尊貴之也。諸侯之特王臣。令百牲  
皆具。樂美之也。蓋待王以多則爲養。待百官以少則爲節。以少爲  
貴者。內心也。以多爲貴者。外心也。故禮器云。先王之制禮。不可寡  
不可多。惟其稱也。愚按。經云。王合諸侯而享禮。則是王之享侯不  
可謂侯享王。而明齊王氏謂王合諸侯節。此諸侯至王國而享天  
子王巡守殷國節。此下通諸侯而諸侯享天子也。夫王適侯而侯  
享王可也。猶帝亦饗舜之義也。侯朝王而抗禮享王不可也。猶郊  
特牲大夫饗君爲非禮之義也。郊特牲云。適侯侯膳用犢。侯適王  
王賜之禮。大夫貴誠也。其義瞭然不可亂矣。凡諸侯之禮以下四  
節或謂爲王待諸侯似無害。然以夫人錢語句推之。天子曰后諸  
侯曰夫人。其爲諸侯之相饗又待言乎。其言諸侯相待之禮而不



言王待諸侯之禮。疏謂其禮亦畧同。諸侯自相待可知。養王之待諸侯畧見於大行人。而掌客職不言。辨司儀職言合諸侯及諸侯相賓。而不言朝宗親遇於上。凡諸侯之禮。上公五積。皆祗殮。句索皆互見之義也。學者詳之。

句

三問皆脩。羣介行人宰史皆有牢。殮五牢。食四十。簠十。豆四十。

鉶四十有二。壺四十。鼎簋十有二。腥三十有六。皆陳。饗餼九牢。其死牢如殮之陳。率四牢。米百有二十。筮醢醢百有二十。麇皆陳。車

米祗生牢。牢十車。車乘有五。簠車禾祗死牢。牢十車。車三秬芻薪

倍禾皆陳。乘禽日九十。雙股膳大牢。以及歸三饗三食三燕。若弗

酌則以幣致之。凡介行人宰史皆有殮饗餼。以其爵等爲之。牢禮

之陳數。唯上介有禽。獻夫人致禮。八壺八豆八簋。膳大牢。致饗大

牢。食大牢。卿皆見以羔膳大牢。

積音恣四十二註定爲三十八蓋古文三四皆積畫而二八字或傾

側皆誤文也。解。舊誤作牲。註從下節定作。解。下作車皆陳。註從下節刪車字。數音叟。耗音如。乘去聲。大音泰。食音嗣。見音現。職內同。○此以下言諸侯相朝主國待之之等數。而此先言其待上公也。積謂積養餼。並見大行人職。賦者每一積之半。禮視一驗也。牽謂生牛而牽陳也。言牽者明其無餼。則解。謂之屬也。肺加豕桂曰脩。言皆脩明脩以外不具也。澤介行人宰史四者皆從行之臣。皆有牢。王氏謂承積而言也。此言始至與其將去積問之禮也。殽五牢。不言牽。謂死牢也。食謂庶羞也。豆盛稻粱。豆盛菹醢。羹盛羹。酒盛酒。黍稷黍稷。謂解。謂之屬也。公侯伯子男。解。謂之屬也。宰餘四牢。皆解。謂之屬也。陳列也。此言既館致殽之禮也。殽小禮。故牢少饗餼大禮。故牢多。死牢如殽之陳。謂解。謂之屬也。陳之陳也。竹筴受五十。其末貴者所食。車米。賤者所食。每牢十車。生牢四則米四十車。死牢五則米五十車。十數曰秉。十束曰秬。倍米則薪芻百車也。積殽亦有米。不薪芻。不言。蓋省文與。此言既朝致饗餼之禮也。乘食謂雉鴈及鷩鷩之屬。乘行者也。殿中也。平禮之外。日致食中又致膳。及於歸焉。示念賓也。此言正禮外之加禮也。餐食於廟。燕於寢。酌謂酌獻也。若有故不行餐食而燕。酌則以餐之。醴帶食之。脩帶致而歸之也。此言正禮中之變禮也。凡介之屬皆有殽饗餼。其上介有禽獸。此皆禮君以及臣也。夫人以室口。是大牢佐其君。而卿亦以羔與大牢佐其主。此又言內外上下無不盡禮於賓也。

○註曰積皆視發率謂所共如發之數而牢用生率則無錫傳及  
 簋簋之實也積問皆客未至國之禮發客始至致小禮也食之庶  
 羞公四十侯伯三十二子男二十四皆陳於楹外東西凡四列簋  
 之稻粱公十堂上六東西夾各二侯伯八堂上四東西夾各二子  
 男六堂上二東西夾各二豆之菹醢公四十堂上十六東西夾各  
 十二侯伯三十二堂上十二東西夾各十子男二十四堂上十二  
 西東夾各六禮器天子之豆二十有六諸公十有六諸侯十有二  
 上大夫八下大夫六蓋堂上之數也錫之羹公四十二而侯伯二  
 十八子男十八非差也以侯伯子男推之公錫宜為三十八堂上  
 十八西東夾各十侯伯二十八堂上十二西東夾各八子男十八  
 堂上十西東夾各四壹之酒設於堂夾如豆之數也謂飪鼎公侯  
 伯子男皆飪一牢正鼎九與陪鼎三凡十有二皆設於西階前簋  
 謂黍稷公侯伯子男皆十有二設於堂上八西東夾各二脰謂脰  
 也公脰四牢每牢九鼎凡三十六鼎侯伯脰三牢凡二十七鼎子  
 男脰二牢凡十八鼎皆設於阼階前此以上皆發門內之實也饗  
 餼既相見致大禮也積牢以生發牢以無以脰饗餼兼發積有生  
 有脰有熟死牢如殮之陳飪一牢在西餘脰四牢在東生牢陳於  
 門西宮米積陳於中庭十為列醢醢六碑從陳醢在碑東米在碑  
 西利亦如之此以上皆饗餼門內之實也車朱載米車也聘禮謂  
 卜十日解十六斗日饗十數曰秉每車秉有五數則二十四斛也

禾稟實并刈者也聘禮記四禾曰筥十筥曰饗十饗曰耗每車三  
耗則三十束也禾之秉筥字同數異其筥讀爲棟起之稻米禾二  
者皆橫陳於門外米在門東禾在門西凡此門內之實橫問殯饗  
飯其禮有同有異若門外之實橫問殯饗飯其體畧同也王氏曰  
上公致積則有殯牽問禮隨而至故加以脩此牽介行人宰史有  
牢也侯伯子男則不言者以上公爵命脩禮亦隆也王氏曰先王  
之於祭祀致愛與敬承實亦如之方其祭也王耕以供粢盛后蠶  
以爲祭服王裸而后亞裸士獻而后亞獻而終以諸臣之所酢也  
及其承賓也亦王裸獻而后亞之王致酒后夫人致飲而終以卿  
皆見而膳之也致愛與敬可謂至矣愚按註說頗詳蓋約儀禮之  
聘禮言之也但介行人宰史皆有牢本承積而言註乃疑問君侯  
以脩臣反以牢而謂其有此則誤矣故今刪之而有王氏之說侯  
伯四積皆此殯牽再問皆脩殯四年食三十有二簋八豆三十有  
二鉶二十有八壺三十有二鬲十有二腥二十有七皆陳饗餼  
七牢其死牢如殯之數牽三年米百筥醢醢百甕皆陳米三十車  
禾四十車芻薪倍禾皆陳乘禽曰七十雙般膳大牢再饗再食再

燕凡介行人宰史皆有殮饗餼以其爵等爲之禮唯上介有禽獻  
夫人致禮八壺八豆八簋膳大牢致饗大牢卿皆見以羔膳特牛  
再饗舊誤作三饗鄭註引禮記定再饗○此次言待侯伯也  
侯伯並降於上公故積數及牢食集豆壺之數並減五之一問及  
饗食燕之數減三之一膳則減四之一簋甕各減六之一其鉶數  
侯伯以下遞減以十飯牢及米禾各如其命數惟鼎簋之數侯伯  
以下並無減耳夫人亞豆簋之屬同而無食之  
大牢卿膳自大牢而特牛皆從減也餘見上子男三積皆貶殮

牽壹問以脩殮三牢食二十有四簋六豆二十有四鉶十有八壺  
二十有四鼎簋十有二腥十有八皆陳饗餼五牢其死牢如殮之  
陳牽二牢米八十筥醢醢八十甕皆陳米二十車禾三十車芻薪  
倍禾皆陳乘禽日五十雙壹饗壹食壹燕凡介行人宰史皆有殮  
饗餼以其爵等爲之禮唯上介有禽獻夫人致禮六壺六豆六簋

膳眠致饗親見卿皆膳特牛

此大言待子男也子男又降於侯伯故積及半食蒸豆豉又減侯伯四之

一問及饗食燕又減二之一一厘則又減三之一一管甕又各減五之

一而夫人壺豆簋則又減而六也卿於小國之附有不造館見者

必親見乃致膳凡諸侯之卿大夫士為國客則如其介之禮以待

蓋亦減之意與

此一節又言卿大夫士奉聘而主國待之等數也大聘曰聘則

卿為使大夫為上介士為眾介小聘曰問則大夫為使士為介

介之禮謂諸侯之介之禮凡禮賓客國新殺禮凶荒殺禮札喪殺

即上文凡介以下是也凡禮賓客國新殺禮凶荒殺禮札喪殺

禮禍哉殺禮在野在外殺禮

殺去聲○國新國始建也凶荒歲不登也札喪謂禮喪禍哉謂兵寇害水

火郭外曰野境外曰外謂師役在行或

變故出亡也此皆言禮因主國而變也凡賓客死致禮以喪用賓

客有喪唯謂稍之受遣上國之喪不受饗食受牲禮稍去聲○用

聘禮主人歸禮幣必以用是也有喪謂親喪若君喪也牲禮之屬

以自奉而芻豢以給人馬故唯芻稍之受饗食必君臣行禮若牲

禮則遣致之而已故又不受饗食而受牲禮也此則言禮因賓使

及主國而變也○黃氏曰先王之待諸侯何其至也食而弗愛豕

司馬

卷一

交之也。愛而非敬。厭高之也。未至也。致積始至也。致發既朝享也。致饗餼問勞送逆。致其勤辭受拜。揖致其禮。先饗而後食。燕兒設而不倚。爵盈而不飲。訓恭儉也。樂無算以取歡。爵無算以取醉。示慙慙也。取脯以降。奏咳而去。貴賓之教。行老老之教。寓賢賢之教。著諸侯心平氣和。相與一德。以尊其上。相朝之君。相問之使。旌節繼道。是其待之有道也。

掌訝掌邦國之等籍以待賓客。

此序掌訝中士八人之職而總舉之也。等。即九儀之等。其禮樂小行。

人掌之。此又掌以若將有國賓客至。則戒官修委積。與士逆賓於待事而治其治也。

疆爲前驅而入。及宿則令聚橐。及委則致積。至於國賓入館。次於舍門外。待事於客。及將幣爲前驅。至於朝詔其位。入復及退亦如之。

委積爲並去聲。朝音潮。○官謂牛人羊人舍人委人之屬。士謂訝士。令則令野廬氏也。委謂委積之處。致者以王命致之也。舍即館也。待事於客者。賓有事。客傳之而訝治之也。朝外朝也。位次位也。復者告於王也。亦如之者。如其前驅也。將幣在廟中。由廟面後入廟。其厭訝至於朝。凡賓客之治令訝訝治之也。凡賓客所飲而至於廟。則自有損相也。

之。訝士令則令野廬氏也。委謂委積之處。致者以王命致之也。舍即館也。待事於客者。賓有事。客傳之而訝治之也。朝外朝也。位次位也。復者告於王也。亦如之者。如其前驅也。將幣在廟中。由廟面後入廟。其厭訝至於朝。凡賓客之治令訝訝治之也。凡賓客所飲而至於廟。則自有損相也。

治如貢賦政事之屬以告訝訝為如朝而理之也明齊王氏謂訝士也訝士職四方有治於士者造焉而掌訝令之也愚按文義令訝當為令掌訝非掌訝令訝士也況上文之士既釋為訝士則此又安得於訝而釋之為訝士哉凡從者出則使人筵之及歸送亦如之從道並去聲○從者謂介以下人謂胥徒也通行曰道凡出賓館及歸而送之出疆

皆使類其行也凡賓客諸侯有鄉訝鄉有大夫訝大夫有士訝士皆有訝

凡訝者賓客至而往詔相其事而掌其治令相去聲○鄉有大夫訝以下見聘禮記但

聘禮乃聘於侯國之禮其大夫士職兼掌訝此朝聘於王則掌訝之外又有鄉大夫士也士訝不言爵蓋庶人在官者與或曰亦以上中下士通為次也凡訝者即鄉大夫士也賓客至而往即聘禮記賓即館訝將公命也掌訝是專官鄉大夫士是特使故因言之待事於客以事物言詔相其事以禮節言掌其治令即上文所謂令訝訝治之及訝士所謂有治則贊之者也

掌交掌以節與幣巡邦國之諸侯及其萬民之所聚者道王之德意志慮使咸知王之好惡辟行之使和諸侯之好達萬民之說好惡



並去聲。既避同說。悅同。○此序掌交中士八人之職也。節以爲信。幣以爲禮。萬民所聚。謂都邑也。德意者。德發而爲意。志慮者。志動而爲慮。道言和協達通說好也。以宣道於諸侯。萬民使知王所好而行之。王所惡而避之。此以宣上命也。因是諸侯所好者無不協。萬民所說者無不舉。邦國之通事而結其交好。以諭九稅之利。九通此以通下情也。舉邦國之通事而結其交好。以諭九稅之利。九禮之親。九牧之維。九禁之難。九戎之威。舉行也。通事謂上下相通。九稅者。九職之稅。九禮者。九儀之禮。九牧者。九州之牧。九禁者。九法之禁。九戎者。九伐之戎。舉通事以結交好。此以通下情而因以諭諸侯。萬民即以宣上命也。○應川王氏曰。諭九稅使知任土。九禮使知和。故九牧使知率屬。九禁使知避罰。九戎使知免兵。於無事之時。使人好邦國而諭之。其消萌多矣。不知出此而徒恃威讓征伐。則非所謂爲大於其細。圖難於其易也。平仲王氏曰。觀掌交職使咸知王之好惡。避行之。而卿王之當慎也。好惡在深宮。而侯職之貞。義民俗之汚隆。見於此。好聲色則聲色進。好土木則土木進。好神仙則神仙進。好財賄則財賄進。好惡亦可危也。又或隱其好惡。上下相遺。而三代之治不可追矣。

掌察。此序掌察中士三十有二人之職。而今闕也。○疏曰。掌督察邦國之事也。仲興和氏曰。四方侯國來朝。察之以防好惡也。

掌貨賄此序掌貨賄下十有六人之職而今觀也志疏曰掌邦國所致貨賄也郎氏曰掌邦國交通貨賄者以國朝聘有時其幣帛往來有數若非時以貨賄私相交通者王法所禁也愚按如疏說則天官九貢之貨賄及四方幣獻諸良貨賄皆此事故之以入內府而以秋官嚴肅之義臨之也若如郎說蓋蒙上職之意為言而一以糾治其奸宄一以杜遏其也直與然官名掌貨賄不名禁貨賄義恐未然不如疏說為安耳

朝大夫掌都家之國治此序朝大夫每國上士二人之職而先總舉之也序官每國之國聞都家也本職諸

國皆謂王國也其國有文書特理於王國者朝大夫掌之曰朝以聽國事故以告其君長國有

政令則令其朝大夫朝音潮下同長上聲○所作謂事所通謂故所正謂政所使謂令國之事故都家之君長

所當知故朝大夫日聽審於朝而告之至其有政令又其所當行者故國令朝大夫以轉令之也此以國建之都家也凡都

家之治於國者必因其朝大夫然後聽之唯大事弗因比都家之

治有不及者則誅其朝大夫在軍旅則誅其有司因猶從也都家

事有待聽於國

者因其職而後聽之唯大事非其得主故弗因也治有不及者聞  
聖而不及於事也有司謂都家司馬也此以都家達之聞也○王  
氏曰都家之治有不及以朝大夫弗達故也先王制朝大夫之官使都家之治以  
弗達而都家司馬弗達故也先王制朝大夫之官使都家之治以  
達於國使國之事故政令以告於都家則下事無  
不上聞上政無不下達又安有壅遏蔽塞之患哉

都則

此序都則中下士三人之  
職而今闕也餘見序官

都士

此序都士中下士六  
人之職而今闕也

家士

此序家士中下士六人之職而今闕也○按二職註謂都家  
之士主治都家之職以告方士也其義最明而明齊王氏

乃謂方士掌都家之職不繼復設都士家士以掌之攷方士凡  
都家之士所上治則主之義即縣師所辨人民田萊六畜車輦與  
凡賦貢之屬而都士家士司之方士修而省之也其說則與註義  
相背矣夫方士職既云以爵修其縣法歲終則省而誅賞又云凡  
都家之士所上治則主之則所上之治初不蒙縣法而言也且六  
官分職都家宗人主禮都家司馬主政都家士主刑若所稱以時  
修其縣法歲終則省而誅賞者其義係乎誅賞不係乎修其法也  
况本官凡稱士者皆理官之名而所上治之治亦猶諸士職凡四

方之有治於士者之治耳又何  
必於舊註而更之乎餘見方士